

集部

欽定四庫全書 浮溪文粹卷八 序 蘇魏公文集序 宋 汪鴻 撰

Ser almery lost to fresh

孟子七篇之書叙戦國諸侯之事與夫梁齊君臣之語

浮溪文粹

然文雖同乎人而其所以為文者非人之所得而同者

下讀之者如出乎其時如見其人也若夫善立言者不

所貴於文者以能明當世之務達羣倫之情使千載之

之時也於是魏國蘇公與於時公以博學治聞名重太 文章之變屬矣楊文公倡之於前歐陽文忠公繼之於 學者師用比之六經則當時所謂儀秦犀首谷永杜欽 萬言言秦漢之際為最詳簡雅而閣深若無以與乎西 後至元豐元祐間斯文幾於古而無遺恨矣盖宋極感 董豈惟無以望其門墙殆冠優之不侔也宋與百餘年 漢之文也至推性命之隐發天人之微粹然歸於正使 其解極於辯博若無以其乎戦國之文也揚子之書數

言哉論政之得失則開陳及復而極於忠論民之利病 律思方技之書無不採其源綜其妙者在公特餘事耳 也若其講明經術之要練達朝廷之儀下至百家九流 公文見之然公事四帝以名節始終其見於文者豈空 其手故自照寧以來國家大號令朝廷大議論莫不於 下者五十餘年卒用儒宗位宰相一時高文大冊悉出 天下祭辱是非莫能移其所守可謂大臣以道事君者 則援據該詳而本於恕有所不言則己既言於上矣舉

大三四年人二百一

浮溪文料

たシにノモ・ナ 少誦公文以不獲拜公為恨者也令乃盡得其書讀之 獻神宗讀之日說卦文也今及其書信然則公之他文 能彷彿也公元豐中受詔為華夷魯衛錄書成序之以 偷薄與朝雄之書百世相望而非當時翰墨名家者所 干內外制若干表章書誌銘雜該若干使某與觀馬基 可知矣公殁四十年公之子搞始克輯公遺文得詩若 此所以一話言一章句皆足以垂世立教革澆漓而已 可謂幸矣故謹識其端而歸其書蘇氏紹與九年二月

所謂婉而成章者然其褒駁一出乎天下是非之公豈 明乎是非何以為人治而不明乎刑賞何以為國此書 六經唯春秋為仲尼作聖人見其所志之書也學而不 之所以作而為萬世法也雖曰以匹夫而行天子事有 十五日具位汪藻記 **吳園先生春秋指南序** 

浮溪文学

固何所授之立為弟子退而其言之說開後世諸儒相

故為殊絕甚高之論使後人有不可及之歎哉不知班

金りでたと 之言皆然幽深必有不可以近情常理度者當冥思而 臣賊子懼知我者春秋罪我者春秋而已未常片言置 疑之至春秋則曰詩亡然後春秋作孔子成春秋而亂 **賛一辭也孟子去孔子百餘年於書武成詩雲漢莫不** 話病之端使當時誠有異同不應復云游夏之徒不能 疑於其間也彼亂臣賊子者豈晓然知道理之人哉一 也自三傳與而聖人之經始不勝其繁好異者曰聖人 見春秋而知懼為非懼聖人之書也懼天下是非之公 

烫定四車全書 图 也吾當以諸國縱横列而類見之聖人之意了然矣當 一整破碎而不見聖人之渾全政和間余過山陽異園先 生張公在為先生謂余曰學春秋而不編年無以學為 盖不為無人然一時童分白析之學勝故雖春秋亦穿 熙寧以來學者廢春秋不用數十年間寫學而好之者 |師說為愚況其他哉則春秋不明三傳亂之也本朝自 而莫知求至當之歸乃至子而以父學為非弟子而以 力探之於是枝葉酱滋無所不至人人務其己該之勝 浮溪文幹

固已碩大光明而所出裁一二而已則求聖人之心而 哉曲學蔽之耳先生閉户讀書二十餘年其見於世者 於士大夫間因得伏而讀之日嗟乎聖人之意豈遠人 令子見吾書余未及授而先生也未幾先生之書盛行 以縣見矣紹與十年七月門人汪藻序 得之者豈獨此書哉雖然以此書考之先生之志亦可 跋 **書陳文惠公逸事後** 

封至私第公不改封来日袖至榻下屏奏日今中宫虚 色開悟轉移於談笑之頃一旦致其主於漢唐君之上 以示人鳴乎兹舉也天下之治亂擊馬文惠公不動聲 敬書公费百餘年公之自孫右中大夫直秘閣究始錄 日姑置之妃即追册温成后也當時於墓刻神道碑不 不得已者若誠此事臣不敢啟封以示同列仁祖首肯 文惠陳公相仁祖每内批夜下不過十刻忽夜分有御 位張貴如有寵恐姦人附會請正母儀非陛下本意有 洋葵丈 十 <u>፯</u>

嘉祐六年先人為泰與令歲大水民田與江通無從得 稷之臣非吾仁祖有從諫之聖亦安能容其臣如是之 能得之臣所謂難言骨內之間者也文惠公及此固社 言而一言與邦矣自古妃匹之愛父不能得之子若不 紹與十年十二月臣汪藻書 大乎後世於此可以觀一時君臣之盛而為萬世法矣 使當時有秋毫容悅之心其失可勝計哉可謂仁人之 跋東原集序

詳後六十年至零陵得學易先生所書集序讀之數日 之其為児童時記先人之言如此恨不知襲公出處之 |能自存而汝必得租為民父母當如是乎泰興令可尚 至泰州部使者皆從公立諸縣令庭下數之日人飢不 其冬事聞韶起居舍人同知諫院襲公鼎臣安撫淮南 窮悉蠲之轉運使大怒文移如星火先人處之自如也 食轉運使督秋輸不少質諸縣皇恐聽命獨先人哀其 也乃會部使者郡守食堂上泰與令與馬且使交章為 浮溪文草

龍公千載人也因知士欲行其志非得大君子無所知 諸枉矣紹與二十一年三月男藻書 名及獲戾馬者有之況交薦之幸哉公於是能舉直錯 浮漢文粹卷ハ

無所忌至攻府寺略人民由是東南皆警時守州今邑 溪民阻山為恭吏不時制浸劇部使者不以聞益放兵 宣和二年十月盜發清溪入睦入歙入杭躁十州之地 欽定四庫全書 間以兵圍信不克天子為出禁旅付大兵討平之初清 浮溪文粹卷ん 信州二堂碑 汪滌 撰

でんこう こうしょう

字翼文章

金少正人二章 增即沒隍修戰關具按蹊隊所通者一十餘所悉以兵 備引去正月攻江山常山残之於是統信境數百里皆 一賊覆湖東軍張甚項之焚婺源開化屢以兵偏信知有 童十餘上且以計策告當路之用事及城守者十二月 戊之用通守王侯策起其屬高志臨付以軍政條便宜 今不百里俯吾境萬一不戒如吾民何即出金帛募去 者疆比壤連無一人奉尺書為朝廷言者獨信州王君 日賊與篁竹間不自日其鋒如此勢非可以朝夕破者 卷九

次定四車至了 图 [虞三戊之衆不敢犯二月既入衢則鼓行寇柳家都營 奔數十里焚蕩停馘至不可勝計縛其偽統軍以獻因 **嶮時粮益殿人為兵必欲舉信初以偏師當我克之已** 謀也韓儼以杆開化也館頭以杆常山屯竹獻以杆江 為賊區君居其中部勒諸将益嚴與王萬二侯勢力絲 而盡銳攻號十萬志臨出奇兵鏖擊賊大敗拔營去追 為備匿精甲數里間志臨以親兵仆旗鼓踵其後賊果 山率深溝固壘日揚兵境上為不可測者獨柳家都不 浮溪文粹

分其兵為三一自韓嚴復開化一自館頭復常山一自 而喜釋於守城之勞也題築堂二日示喜日後樂而書 城有功其進職者官殊等通守舜舉亦神赞之良也增 望風順去東南以平於是天子下詔曰信州守臣愈斬 柳家都復江山長驅迅卷逐復衢州賊之在他境者旨 **成敗之機而圖其大者區區一時勝負之功不足議也** 其本末來請其日天下之事所貴於智者以審於禍福 秩次之而以志臨為衢州君與王侯既相與侈上之賜

次での車へかする 方盜奮於承平百年之餘民不知兵吏不知守獨君察 故常日吾知謹簿書期會而已吾書生也何以兵為異 江南為四塞地使指然吞噬之心西搖撫南闊建北擾 如君者而余顧以為區區一時勝負之功者誠以信於 無以善之會未有奉一州六縣無秋毫之失歸報天子 懦詩張爭為完軀保妻子之計視刈其民如草菅然而 之無一不如君策及情見勢屈而向之為吏者方极于 於幾微慨然以書抵在位者或非笑或怒且排好之卒 浮溪文粹

宣饒則雖磨以歲月未能處下也唯君以方千里之地 此然於横流奔沸之中扼其吭笞其背使氣奪力強不 之以喜樂名者君與信人果得而私哉君通經術長於 子差功節賞書君令甲而信州一日暴於天下則斯堂 皆堅壁清野倚君為重則君之建立為何如哉是宜天 能尺寸進卒夷其衆當是時並江循海三路三十餘州 鐵腐栗陳以之賞功象士調兵食皆出於此可謂為政 吏治所至皆可紀始君之至州無十日之贏既二年而

100 10 mor 1.11 惟帝莫治以天為區藐彼南服大江之隅八聖休養犯 待攻賊母問境引師環之一遇塵擊崩奔不支坐以支 秋囚獻刑得第動策勞孰回吾園予其汝張在列成改 于丕平有不能馴庸呼以為奮眾以蟻敢仇王師帝顧 此禍者吾疆懼紛廼理隍壁題衰 選鋒爰走爰集嚴兵 在列孰予往笞矯矯禁旅統之公侯春禍于野旋師麥 知所先後而非偶然立者可歌也已乃作詩曰 信為偏城口守臣愈實能弭兵唯昔首孽衆為不聞曰 字異之年

金万四たん 何此州私我賢伯凡嚴本罰載之民註來者是式君将 師毋或去我陷於墊危士曰君材維試之仍为音勒以 斯堂賓客粥粥間於憂虞起舞相屬民祝君壽長為父 堪扼其三方隣國仰首如川得防帝日俞哉唯女予力 山俯流君在斯堂寄適雲杪里民户歌雜以嬉笑君在 錫之命書光寵而國愈拜稽首敢揚王休延作華屋勝 在朝我為頌詩緊史之訂匪民之私天子之慶 祭文

12/010.01 /11 萬心懼枵腹也神寧惡予倦掉沃也靈呵豈難貴升納 街屬也聖人中天世司牧也一夫阻飢為頻處也貌称 胡為陰陽戾盈縮也冰漸既融潮未復也敢然千艘尾 惟神以海為宗主百數也霧雹風雷氣停蓄也日雨日 匪私演也 賜相民欲也鞭笞犀龍起潜伏也方春般榮俟嘉沐也 也部恩臨祠奉牲玉也尚驅雲師既霑足也緊邦是圖 祭河文 等異文字 五

大谷縣太原帥率用重臣每宴餐費千金许取諸縣以 争不能得袖舉牒還之拂衣去捏清河丞尋知太原府 繆為好言薦之朝永因盡忠以報後守欲變具獄永力 望之如神人以祖任為丹州司法參軍守武人為姦利 郭永大名府元城人少剛明勇決身長七人影繁郁然 無所忌永數引法裁之守大怒盛威臨永永不為動則 傅 郭永傅  Caller Calle 皆民膏血也以資觞豆之貴可乎脱不獲命令有投劾 永世方雷同好以此買禍永日吾知行吾志而已遑恤 移有不便於民者必調利病反復或遂寝而不行客謂 永械致之府府為并他縣追還於是府機其部使者文 未應乗此華民永杖巫身暴日雨立審縣人刻碑記其 而歸耳府不敢迫縣有潭出雲雨歲樓水旱為常縣樓 給大谷民當其無尤亟永以書抵幕府曰非什一而取 其府遣卒數爺號警盜刺諸縣短長游蠹不歸莫敢迁 浮溪文料

金グログノニー 事無大小決永吏有不能辦者私相新日爾非郭司蘇 支不已安撫使王安中莫敢問永白安中不治且難削 師也邊怙恩暴甚與民市不償其直復歐之非壞目折 年復過之則空一色遮留如永始去調東平府司錄府 其他大谷人安其政以為自有令來無永比者既去數 見藥師日朝廷負将軍乎藥師務日何謂也永日前日 永請見而顯責之不從則取其九者磔之市無辭也乃 耶除通判鄭州燕山之役以永為其路轉運判官郭樂

וויבילושון ייסוב לי ביום 容永謂安中日他日亂吾邊者必此人也己而安中能 冰不能合敵至城下睥睨久之歎息而去遷河北東路 所不至而将軍未有尺寸功報上也今方倚将軍為重 不攻而入永滴/在大名聞之先弛壞漁之禁人争出漁 城邑欲立取之於是歲大寒城池皆水敵率籍水梯城 刀縱部曲找民不禁平居尚爾如緩急何樂師謝無愧 将軍杖策歸朝廷上推赤心置将軍腹中客遇之日無 永亦辭去移河北西路提舉常平會金人趨京師所過 浮溪文华

将復兩河以大名當衝要機永與的杜克漕臣張益該 齊邦彦南去劉豫舉濟南來寇大名 現然孤城居其問 益謙代之而裴億為轉運使益謹億齷齪小人也會范瓊 畏之不敢動遠近晏然居亡何宗澤死克守京師以張 彦為援不數日聲為河朔已沒州縣皆叛敵來歸敵亦 提點刑獄時車駕在維楊命宗澤守京師澤厲兵積栗 敵以十倍之師攻之永率士晝夜乗城何間則出兵祖 相掎角永得檄大喜即朝夕謀戦守具因結東平權邦

1.00.000 1.11 志則席據而南朝廷危矣借力不敢猶當死守徐挫其 擊或勸益議委城過者永日北門所以蔽遮梁宋敵得 泣質明大霧四塞敵以車發斷碑殘礎兩城中樓櫓皆 動永大言曰今日正吾僚盡節之時又行城撫将士日 呼城下二郡已降者富貴不降無噍類益議輩相顧色 急朝廷且請朝廷先為倫敵攻益急俘東平濟南人大 鋒待外援之至奈何棄之因募士賣帛書夜継城出告 王師至矣吾城堅完可守汝曹努力賊不足畏也衆感 浮溪文章

金げんじ 11人でいた 壞左右蒙盾而立多碎首者良久城陷永坐城樓上或 然巢傾卵覆汝輩亦何之兹命也奚懼益謹億率求迎 之永項目嗎馬曰無知犬豕恨不臨爾以報國家何說 且風聞其賢乃自為夷語數十言欲以富貴陷永而降 誰永熟視久之日不降者我尚奚問敵見永状貌覺傑 永永正衣冠南向再拜記易幅中而入金即日阻降者 降敵日城破始降何也雜然以永不從為解敵遣騎名 掖之以歸諸子環泣請去永日吾世受國恩當以死報 J 卷九

10..... 7.11 當不慨然揜卷終日而尤慕顏魯公為人喜面折人過 卷因事為文皆可錄而不求人知見古人立名節者未 相與負其尸盛之永博通古今得錢即買書家藏書萬 舉手并其家害之時年五十三建炎二年十一月甲子 曹大名人在繁者無不以手加額為之出涕敵令斷所 麾之使去永復属聲曰胡不速我死我當率義鬼滅爾 降平敵令譯者申諭不已永與手怒馬不絕敵諱其言 也即日語傳城中雖素不與永合者皆相向慟哭敵去 字溪之序

金少四九人 夫事親孝與人忠輕財為義而於吏治精明旨永餘事 者數日聞元即撥書至始勉强一餐其忠誼盖天性者 絕或以兩官北狩告永者永號絕仆地家人昇歸不食 者公等足與治乎克大慙請康冬敵再犯京師中外阻 名而遺實驕蹇自用而得名聲以此當大任鮮不顛沛 他日問其目日未暇讀也永數充日人有志而無才好 殿傾而歸之杜充守大名名稱甚盛永常畫數策見之 退無異言聞秋毫之善必嗟咨獎成如不及士友以此

者雖不為無人若劉豁李若水向子韶霍安國張克戬 或甘心污辱之地而不悔永以身狗國至勉其家必死 而在位皆拘攣章句之徒謂名節為非所急士之精鋭 賛曰嗚呼靖康之禍豈不哀哉以二百年全盛之中國 演政殿學士諡勇節官其族數人 其大節如此他不足為永道也紹與初始贈永中大夫 非所謂烈丈夫而不為世所推移者哉當是時以節死 銷更盡矣一旦為敵所來無不全驅保妻子奉頭鼠竄

たこうちょう 湯

浮溪文粹

アンドノしてん へき 立於堂下有扣牛角而歌於棘間甚者或掃門拜塵幸 极水平生行事著於篇有以見永立大功名而奮不顧 楊邦又皆其童章志著者也然罵賊不屈無如永者故 古之欲以才能見世而卜於大賢君子者有從收器而 身者有所從來非偶然發也 日之財映竊以為人之才能譬如金石之有聲菜園 書 見謝給事書

八八八日三八八二四 洋溪文等 前自任天下之重咳吐出珠王叱咤生風雲其勢位益 剪則其門墙益峻門墙益峻則非素侍於左右終莫得 數如誠屈身伸道其求之者不動則其告之者不篤其 出牢關固距如水北山人終南捷徑何足補於進退之 之有臭其實既立名則隨之灼然有不可揜者何至為 未害其為好賢慕善也盖大賢君子方其從容人主之 見之者不恭則其與之者不至雖重跃之勞執鞭之辱 區區乞憐自苦之能哉然使其屈道/伸身邪雖深居簡

左上にノレラル くって 幸而遇之者幸也故誠身伸道者從馬某自児童時間 士之關聞南方之學者與中朝之士大夫其不以得交 固足以成物也故論者以王佐之才許閣下既而敖賢 閣下之名如東隅之日雖未赫然經天而温厚之氣固 雖樵夫野叟亦或並游而争席為當此之時其身之不 於逍遥之濱非特一介之賤得以接末光而承餘潤也 足以感人也如清濟之流雖不治然行地而浸潤之功 而進為及去國彌年絕意當世釋事權之櫻拂而自遂 卷九


缺計哉某於閣下其生也地之相去千有餘里其仕也 終身不忘家有名士三年而不察者此豈可以久近親 宜陰有相之者非人力之所能為也故以牖間半面而 莫難於相知之間盖有求而不得者有不求而至者矣 意不以我公少留於此滿願見者之志邪然天下之理 幸以為終身願而不可得者今得承談笑然亦安知天 賤之身莫能與也題者屏跡此方而閣下在為私自喜 際為紫其慨然在斯人之列而閣下方任言責某以施

大いつ こから

浮溪文华

不宣 故輔干典竭而自託於無能之辭以為對焉休息俟命 矣而日必試之事待之久而後察之者非忠恕之言也 偽觀其容而識邪正考其文而見所養亦足以得其粗 客也果何足以取閣下之知邪然比之三年而不察者 |位之相懸有不可勝言者而又無肺腑之親介紹之先 からしたって 則為不足與夫半面之頃者顧有間矣聽其言而知真 鉊

E/12/0 101 /11/2 零質睡 圓其中蒼壁橢窓其前初月破出天滋如災輠為臞仙 其交三出環解與古參 禹鑿餘韜瘴嵐安得之虹貫嚴斷為浴攜北南毛楮陳 董天任研銘 熊叔雅研銘 字奏~一年 ł



欽定四庫全書等部

浮溪文粹卷十五

詳校官無吉士臣新樹培 侍讀臣孫球覆勘

校對官中書日孫步雲 總校官知縣臣楊懋珩 腾録監生臣郭治怡

火产日車~二十 明 欽定四庫全書 知質程振給事中安扶督民輸一日敵坐城屋很謂 府庫不足以民財經二分, 書刑部待即贈端明殿學士程公神道砰程 STATE OF THE STATE 奉書 衛龍縣縣 浮溪文粹 宩 汪藻 撰 四

其忠降重書褒歎各進官七等於是程公自承議郎進 皆官長敵不勝其念四人者皆死之建炎初上即位哀 長安在欲加以罪而置其餘程公恐尚書坐之還前日 四人者同群而對曰今天子蒙塵臣民皆願前死雖 グシにくも 人者曰吾國賦羊馬於民率比屋相甲乙若甲輸而 否 議大夫官其子若親属二人下饒州給望事遣官該 不計也於金總何有哉顧誠上有塞責敢大怒問官 執而誅之誰敢違者意民窮且變生將投隙而逞 J.

視厚膊其家言者謂未足轉公復以端明段學士告其一 欠正四年一七十二四 名士如張商英陳雅張廷堅鄒浩悉見之迎門崇寧三 未冠求師友四方入京師游太學必秀出其華類一時 翔世業儒為聞家翔以公故贈朝請大夫公少有軼才 匯公諱振字伯玉饒州樂平人大王父承憲大父溥父 人材可用者或以公聞召至政事堂捏太常博士以親 <del>}</del>}} 車駕奉孔子祠見諸生太學公以高第補將仕郎除 州學教授留為辟雅録久之還博士會記近臣求 浮溪文粹

脡 大 立孟子家祠以公孫丑萬華從祀皆見聽改京西南路 老可外得提舉京東西路學事秩滿留居東州五年奏 立 提舉常平入尚書為膳部員外郎逾年拜監察御史時 攺 行一意吃然其間人服其正選辟雅司業兼太子舍 臣崇黨相 下不與非所以尊宗廟重社稷也太子矍然曰初 嗣 國子初見太子東宫言古者大祭祀登飯受爵必 既 禮偷載且元豐具典具存昨上有事明堂而 **軋岩水火然一時士大夫鮮不附麗公孤** 

É

九三丁三人二丁 職 人及此由是縣加獎重後每進說古今治亂輒向納之 中 當天意順人心輔 從容為宰相王輔言宜乘此時言天下與事無幾稍草 遷左司員外郎無官如故時方臘暴浙右聲摇京師公 念不 兩省官缺上回程振老成忠實必以為給事中黼街前 知 書侍郎為熙載點知亳州輔怨熙載甚欲公劾奏且 黼忌其言不各趙出然太子薦公甚力外廷莫知會 能平白公貨淺且雅長詞令止除中書舍人已而 快然不悦曰上且謂輔挟冠奈何公 浮溪文祥

貨 太子受內禪是為湖聖皇帝湖聖念公久趣還舊班對 内艱尋除微猷閣待制中書舍人皆力辭不拜無幾何 武夷山冲佑觀時宣和三年也明年復集賢殿脩撰 以聰言紙之公不從補大怒風言者論公有黨責提 イユ じん シェル 臣 便 半年而至今不解者以或和或戰之說未一也裁抑滥 不 朝問勞甚渥俄記自中出除尚書吏部侍郎公以大 如黑白易分而數月之間三變其說者以廟堂不能 協議論多駁語令軽改失其事機如金人等兵且 (m. 1.)

大王日本 とう **冝乃輒為之反汗馬其勢不得不爾也及聞敵冠** 忘私而多與其黨為地也今日一人言之以為是而行 吏部銓綜有聲滋欲武之民事除開封尹先是大辟情 其言而奪於大臣卒不能用連抗章求去優話不從以 力請合諸路兵掎角擊之以牽其勢且曰彼猖獗如此 咨或用大臣偏辭而遂形攜告所以動未必善處未必 明 陛下猶欲守和議而不使之少有所懲割乎淵聖雖美 日一人言之以為非而止或出聖斷喻度而不暇時 浮溪文粹 河 JE.

卒 請論 寧以来議者謂輦載先彈壓凡情不當法率巧請殺之 或可於多取旨原貸祖宗行之歲久好生治于民心崇 補止卒複數千人公請充入步軍司而除其罪步軍司 援其比而行自此天府之囚全活者不可勝計已而詔 公奏宜一准祖宗故事遇得旨即著為今令不載者許 一駁且未次當擊有司寧無反則之患淵聖大以為然 如公請除尚書刑部侍郎久之敵邀天子幸其管公 如法法當盡誅公以多事時一日而殺千人民心

宣言翌日車駕出城孝臣失色已而敵求金不已朝廷 莫知所為公冒死直前卒與禍會實情康二年二月二 函白宰相何專思所以折敵之語告于上而卻之東忍 たこうことう図 後致變起肘腋而公罹其克故聞公之喪士無賢愚皆 状公具以積中語告諸朝泊公左遷童貴蔡攸卒與是 十五日也得年五十有七初公為中書舍人王黼以各 沈積中即 禍 積中佩公戒至所部首以書謝公盛言其不可之 河朔欲觇敵圖熊公語積中當思異時覆族 浮溪文粹 ħ

皇 著道經亦曰為之於未有治之於未礼盖老氏與孔子 為 則 合者如此今不固根本於無事之時而徒事目前土木 辦聖問馬公對甚悉其略曰周公作鴟鴞之詩孔子以 為之出涕公天資樂易與人談笑極醖籍風流至論事 2 頗欲去健美疏左右近習之臣而楊戬方與龍德太 挺然不可回奪宣和中上皇崇道家之說公至東宫 工非二聖人之意也他日測聖為太上皇道之太上 知道其言不過追天之未陰雨綢繆牖户而已老子 

クシャノモデ

4117

欠了日司 八十二 邁一日辨之盖公之於書無所不觀亦無所不學属文 敏贍下筆不能自休書記翩翩千里如對面語見之者 之間甚有恩義如韶鞫龍徳宫近侍梁忻之類特寬其 之急以急抵公者未當辭族有喪積年不能樂命其子 文由是纖芥之疑不行聞者無不數服公居鄉專題人 天府言利者頗欲離間兩宮公心獨鄙之海調娱父子 上皇震恐執揚誅之而湖聖之言亦廢及靖康中公尹 乙之役懼不得肆因說家令馮揚将輔太子幸非常太 浮溪文粹

偅 太夫人瑩之左從公上也嗚呼士方平時劇談抵掌以 家妻董氏封碩人子邁承務即傅公學次未名生公卒 之其月邁以建炎二年十月辛酉葵公樂平縣嶂嶺原 禍 把玩無數争藏弄為荣著義語及詩文七十餘卷藏于 其少以同即登公之門知公之詳宜莫如来邁以國子 如秋皇鮮不丧厥心而移其所守若夫規以身免而 福死生自任而謂人不能此直易耳及一旦臨利害 禍於人者比有接迹也聞公之風者亦可以少處哉

イシリスモール

泊川之上将天既予公以脩能兮又重之以垮節冠切 司業程鴉之状来請謹叙公之平昔而系之以銘銘曰 Calling Arthur **廠今公胡獨罹此患尚殺身而成仁兮齊死生於夜旦** 雲而事君分景忠之前哲気視忽其蔽日兮神龍蕩而 惟 吾將從告賢之所歸 紛聚美魯不概見兮獨令名其庶幾偉蕩陰之節死兮 失湖眾憚殃而追禍兮公踽踽而直前左捲搶而右宴 祝融之苗裔兮公鼻祖曰伯休越漢唐而南徙兮家 浮溪文粹

滕 金とせた 友任 晋 縣十餘世語牒相傳曰堯臣任衛尉寺丞於公為 捏崇寧五年進士第調通州司理恭軍秋湍陛晉州觀 十六補太學生俊邁紀人豁老生皆屈輩行與交既冠 妣 世不乏人至唐有諱令宗為國子司業者子孫蟬 姬姓文王之昭也春秋時以小國介齊楚之間漢魏 袓 朝請大夫於公為皇考以公責皆贈東宫師傅官 此皆封郡 龍 1.1.11 圖閣學士左朝請大夫滕公神道碑 F 夫人公諱原字子濟應天府宋城人年 祖曰

茂科入秘書省為正字公以軼材進滞儒館三年有餘 察推官試學官中之除與元府府學教授首冠詞學無 人為公不治公處之裕如久之遷者作佐郎尚書工部 京師時上開元師府濟州即以檄名公有詞學精膽明 敏盖有意用公而不為當路所右歲餘裁移禮部又數 員外郎入對敷奏詳明徽宗喜曰項得卿詞學程文甚 年為國子司業連丁內外艱服除而靖康二年金人至 ているの 習憲章之語公至濟州率先羣臣勸進請築壇如高色 1111 浮溪文粹

文皆出公筆詞古激揚聞者無不感動流涕尋推起 故事乃除公太常少卿 金厂工厂厂 母后兄弟之子 朝 上 論 中書舍人公忠精出於天性平時臨事未當詭隨及居 舍人權給事中進起居 思之地 聴 約为 ĖВ 币 公因言忠厚隆祐太后之姓太祖太宗以来無 後已顯 知無不言見有未合公論者必反復開陳家 Į. 班侍從者故日者給舍交章論列乞換 謨 閣直學士孟忠厚乞用父减年轉 郎無討論祖宗法度檢討官試 相登極禮儀其告天及肆赦之 居

一大いうましたいる 忠厚右列陛下方色難以奉母后故未即施行其如中 忠厚隆祐太后之姪也猶曲從人言易戎班之秩康義 下即 大夫康義用登極思遷送郡刺史公封還詞頭力陳陛 外之情未厭願少垂省覧以好違祖宗成憲從之武義 亂之原不出於外戚之挠法則出於內侍之干政漢唐 何人乃敢紊暴憲如此義者內侍康復之父也自古名 法祖宗故能得人心而當天意那煩中宫之父也孟 位以来凡發號拖令立政造事必法祖宗異憲 浮溪文粹 惟

罪 グシドノモ 其後效比卒伍背叛至奪御器逼諫臣於死地恬 數等位亞節在人所以未有言者以方華盜充斥姑責 軍罰金公言世忠偏神 不 **秋觀此有異於墨** 之或改康義乃以御實批降特古一官而暗 可監登極恩各還官一等天下之至公也祖宗以来未 致臣僚 從命人莫不重公有守後軍統制韓世忠以不能敢 ر ۱۱۱۲ 論奏乃止罰金将何以懲後世忠降一官知 勃科封之時乎几再降古今行下終 卷十 無赫赫 功私緣捕盗微勞職官 陞五等 不 知

城守官兵而後彦文進職以臣言為非循國家故事可 KEDIE MILLION 陛下以臣言為是耶當更下監司覈實次第推賞先及 趣以行詞公言給含繳駁命以次官行下兩省故事也 江州陳彦文用劉光世保奏録其守城功還龍圖閣待 遂除公集英殿脩撰提舉杭州洞霄宫衆論為之不平 合體式而公以文理優長取之諫官李處逃迎合論奏 也論列諄諄不已大失宰相意會有布衣試後省者不 公以光世之章前後抵牾閣而未下宰相力主彦文 浮溪文梓

脩殿事以應天者未至比逆臣敢萌不軌天之示象前 思俸飲怨幾陷覆轍安定犯順而未即授首陛下盍祭 之圖史為異甚大而日官不以 未幾車駕幸平江再除中書舍人及陸對奏疏乞寅畏 金りせん 人心所嚮而少留聖意乎今惻怛愛民之政徒為空言 天命固安人心其界曰去歲郊禮前數日太陽示變驗 而 已著明惜朝廷不知先事而戒也陛下即位行再成矣 百姓不以為思哀痛責躬之詔不著事實而四方不 1. Talale 聞廷臣不之告使陛下

火三丁三人二 明 臣頹陛下取建炎初元以来所下詔書所舉政事熟思 言甚忠非即孰為朕言者翌日除端明殿學士同簽書 諭有諫臣風除左諫議大夫公在諫省旬日封華屢上 審度得無一二類臣言者望參稽得失而罷行之上褒 以為信忠佞並馳而多士解體刑賞失當而三軍沮氣 為超陝之計既還建康又建欲盡棄中原焚室廬徙居 樞密院事建炎三年天子反正宰相吕願浩建幸武昌 上稱其知大體遂有意登用擢翰林學士面獎再三即 浮淡文粹 <u>+</u>

哉王言也太祖以来未曾戮一大臣國家歷祚縣長過 · 衣植請誅黃潜善汪伯彦公言 償如植言傷陛下好生 吾曹當以死爭既執政又懇言之上悟而止順浩歎 民於東南公力持不可時在該省語御史中丞張守 A 之德矣上首肯久之即批出罷植諫職翌日見上曰昨 公直執政之才也孰能受命二日而决此大計乎缺官 ならんじん 觀罷衣植之命有忠厚之言未聞殺戮之事可戒 兩漢者此也上大悦李成遣属官至金陵力求准 7:1:2 日 曰

**東京車を書** 且詔應恩數並依同 成 吕順浩欲從之公曰此養虎遺患也成已命知徐州 為資政殿學士同之從衛以行那解疾則又命公權知 神主之江表以參知政事李那權知三省樞密院事公 而 延不赴莫若趣其之任使遠通聞之知朝廷之命必行 劉珏為貳賜公親筆手記凡百四十六言極慶嘉之 許級宰執班奏事寓治都堂公從衛至洪劉光世統 既情得靡然退聽陕西進馬上擇其一良者獨賜 知 浮溪文粹 樞密院事無何詔恭請太后奉

其官二女為其官管鎮其官於與祖之妻孫男女六人 侍御史張延壽不知曲折極口武公於是落職提舉亳 大軍為屏翰光世不能守金人渡洪乃退保處州殿中 前宫祠紹與二年九月某甲子帶於江西春秋四十有 永州居住未期年許自便其年九月復左朝請大夫依 次室朱氏尚書石丞諤之女封咸寧郡夫人一子曰珙 八元室常氏贈右諫議大夫安民之女封咸寧郡夫人 明道宫延壽言之不已又責授秘書少監分司南京

哉 鄭公封章敢言日沃帝 聰政否斯替卒成治 書舍人者也聞公立朝詩謨獻替之餘莫詳於藻謹擇 文字可一上三 年四月其甲子珠奉公葵平江吴縣至德鄉華山紹與 有文集二十卷翰墨叢記五卷韶武遺音三卷紹與三 爱君夫孰與同公與其後獨紹乃風造膝寂哀略無隱 自古明盛縣臣納忠靡懷不陳無壅不通在貞觀世賢 其大者書之而糸以銘銘曰 八年三月追復龍圖閣學士藻與公同為建炎元年中 浮溪文粹 功至誠

應變不窮國以與起宛如錦豐上方畴咨分陕忽東天 東言聴諫行帝旌匪躬遂祭兵柄頗牧禁中折衝銷萌 胡中奪年未及翁邦國珍容爵惟一空應期而来神復 这松琢詞于阡用赫厥終 アンドノと月 溪文粹卷十

文足号下三十二 子孫懼及率私其閥閥不敢傳速靖康黨禁除人人争 堕黨中故一時盛德精忠之人往往齊志以沒既沒矣 崇軍問釣黨之論起元祐以來士大夫為世指名者悉 欽定四庫全書 浮溪文粹卷十一 神道碑 朝請郎龍圖閣待制知亳州贈少師傅公神道 浮溪文料 汪藻 撰

言嘉祐治平以前事於是昔之悼不幸上中者咸振耀 銘之公諱稱字元通姓傅氏采出北地自祇亮世仕江 治具詳不可得而聞也謹擬其灼然在人耳目者序而 矣然某去公幾四十年更士大夫以言諱之時公之行 公為黨人至紹與九年公之卒葵也三十八年矣而墓 仰公名以不獲拜公為恨今乃得執筆次公之行事幸 碑未立公之子七人惟詒度在詒度以書来乞銘某少 于時公雖沒於崇寧之初為不與其禍然用事者猶 

欠了日本二十二十二 武廣文館第一其文天下傳誦之既不第而歸有贵人 京師不求任而皇考尤有信義為里人所宗以公故贈 南子孫因散處江淮間有居光州者遭廣明之亂從王 欲留公使子弟學馬者公曰吾方求師友資身未暇也 自刻属他兒戲旁譯笑如不聞反并取其書誦讀未冠 朝奉郎公少莊重如成人甫七歲從鄉先生學已能痛 故公今為仙将人曾大父獻大父稱皇考滋皆以地遠 潮奔圍數世而至公島祖仁瑞又徒居與化軍仙将縣 浮溪文粹

參軍守遇僚属暴甚屢以難集事該公而促其期公哉 以最聞丁外艱歸里中里中事有不能决者悉從公折 决如流未曾希意的合至捕其從者真諸法守雖疆聽 而 石人也以其女妻之擢治平四年進士第調揚州司 流皆曾以文藝冠多士襄不之取獨稱公日傅元通金 聞孫覺陳襄有學行摳衣從之襄門人許安世江行之 伏摘安如神猾吏惡少年皆屏迹德氣天長大治更 不能平乃欲以煩劇因之會天長令缺機公攝承公 11111 

欽定四年全書 國 回朝 丧授太原府大谷令白誅徙鄉而還為民害者一人於 東或望公門罷訟而歸調福州福清承師曾鞏負材侶 冒 是公之仕也二十年矣猶在吏部選處之怡然未當以 吾兄所知者邪率郡使者交薦且以書言之朝廷公即 窮達介懷會曾布師太原謁入大驚曰是福清傅丞為 視天下士獨與公釣禮改蘇州録事參軍復丁內艱免 改宣德郎知吉州龍泉縣時孫覺為御史中丞謂公 廷欲用公幸少留除書且下矣公曰仕所以樂居 

中者免外基督責之辱今頓首權門與外墨奚擇且外 曽 者 官我所當得也徑出國門不顧道除太學博士所至學 徽宗由遂寧即就資善堂學詔大臣擇德行老成人為 復議議者多持两可公獨援經據古損其車服儀衛賞 除太常博士公長禮學自神宗時議祠北郊至是有記 関門四年足未曾及宰相執政之門秩潘即 布知樞密院與其副林希共薦之宰相亦雅 )類使悉得其中上之後卒施行如公議紹聖二年 知公名 Ħ 詣曹

者例與宮僚昵公獨正色不與親雖一府以為介而悉 請 傅宰相以公名聞除諸王府説書舊制諸王課學書属 欽定四庫全書 题 同僚或歲中屢遷公未當一語及之會諫臣鄒浩以言 文而不及經公言王當以德義為先區區翰墨非所急 事證公厚購其行坐是免所居官裁兩月微宗即位首 室麥軍又明年為侍講又明年為翊善中人執事王府 先講子史以懋王徳從之明年徽宗封端王就除 憚之王亦為之加禮閱五年移官者四而不出王府 · 沒溪文粹

史權殿中侍御史論內侍都 問 公不恤也微宗顧公潜 雖 衆 國子司業遷起居郎召試中書舍人徽宗面稱訓辭 巴公歸然守正凡朝廷命令有可疑進退人材有不猒 西 漢風於是曾布當國以兄弟於公有沒引恩與其助 望如採王古范純禮之類皆人所難言者必 公安在即除直私閣進尚書司封員外郎擢監察御 不為之回奪布每以為言不合者因是中傷公 即舊見必咨訪公每以遵 知劉瑗恃龍專忍不報 極 祖宗 論之 有

心者其卓至皆此類也建中靖國秋見時事浸更張寫 其言公笑曰後當以吾言為信遂求補外詔不許懇祈 中唯傅楫為朕言此甚詳然後人始知公所以啓廸上 親莫得而聞一日李清臣勘上清心省事徽宗曰近臣 亳州到郡 數曰禍其始此乎不去楚人将鉗我於市聞者莫不甚 不已最後中書舍人鄒浩為請題聽除龍圖閣待制 法度安静自然為獻語宰相亦諄諄及之歸則削崇雖至 數月属病易衣趺坐而卒年六十一實宗軍 、浮溪文粹 ħ 矢口

立 燕坐不妄出一語雖在 閣室無秋毫之欺故能死生禍 ク 福 史自娱聚書至萬卷平居正衣冠如對大賓否則 其極不止又天資簡淡於世事無一可關心者專用經 元年二月五日也公於孔孟之學精思而力探之不臻 臣而止後每因事必及公姓名而卒不為大臣所 而已大觀中大臣屢欲以公入黨籍徽宗念公指學 不入智中視進退窮通若夢幻然雖當是之時直道 不為無人若夫先見如蓍龜卓然引去者唯公一 ノニー 瞑 E

次三万年十二十二 故公之沒如典不加馬公之葵在今常州宜與縣善拳 道有所寄千年一儒世得而用一人萬夫公承丘軻 山之原果以諸子思贈少師妻陳氏亦贈越國夫人子 而精深世以為法銘曰 郎誼夫朝請郎尚書兵部侍郎謹受朝奉大夫峻州轉 諒友誼夫皆擢進士第諒友任至奉議郎尚書膳部員外 大夫主管台州崇道觀有文集三十五卷蔵于家簡古 運判官與話微去病譽處皆相繼前卒話度今為朝請 浮溪文粹 知

来者 昳 學元本匪性 建炎三年二月上自維 可正色漂漂傾忠上前寧非大剛吾道則然帝知雖 可 既公盛德乃尊聞風而與百世之下我為銘詩以 娱以道死生晚登王門帝實知我擢濟近臣初不求 不我與奉身而行世莫能樂竟脱黨禍歸安九原 尚 書禮部侍郎 知之亦踐其盡用此玉立直哉惟清 Ţ, 揚狩臨安慨然思中與獻替之 致 仕 贈 太中 大夫衛公神道碑 世 無 世

次至四車全書 来時乘與新渡江人皆南鶯道路充斥公獨晝夜北行 臣一日顧宰相黃潜善汪伯彦曰衛庸敏安在其趣以 以守江之策上首肯曰是吾心也翌日再對歸即遇病 早還建康今臨安亦非帝王居宜須事定亟還因陳所 頍 **穀曰衞膚敏至矣公見上泣上亦泣曰卿在諫省朕知** 及上於平江上聞之喜顧御史中丞張澂諫議大夫鄭 卿忠每以卿言為信今国知無不言有請不以時對公 首謝曰臣頃在維揚數為陛下言維揚非駐蹕地請 浮溪文粹

宣 書禮部侍郎尋上印綬卒年四十九書聞上歎悅移時 哭舟中病益侵上章請老不聽乞與醫秀州從之進尚 猶危 蹕至臨安 拜尚書刑部侍郎未拜 特 年生王俊义對徽宗憶公姓名問今何官俊义以實對 稱其文明白贍美授文林郎南京宗子博士越數年同 敏 可惜其為上眷知如此公諱庸敏字商彦少力學問 和元年以太學上舍生奏名徽宗親握為第三人而 贈太中大夫他日見其同貶中書舍人汪藻曰衛庸 刵 明州之變慟

次三百年八十三 10 徽宗曰尚吏州縣當時豈不堪學官耶今行召之翌日 改命公逢賀嗣位使許亢宗元宗言敵且大入止公母 中往聘公言敵生長後天寧節五日未聞敵遣使而吾 和議遣生辰使宰相擬十餘人徽宗以公為可假給事 人果不来置幣而返七年復遣舒宏中往已陛詳矣上 之脱若不来則以幣置諸境上上以為然泊至無山金 反先之於威重已缺萬一不至為朝廷羞請至與山候 召公既見改宣教郎秘書省校書郎時國家新與金人 浮溪文粹

朝 行不聽及無報愈急聚沟懼不敢前公叱曰君命也其 将其遇請公相見公辞不可則問相見之儀敵以例 立國乎拒之旬日卒易聖書及授書責公雙跪公曰此 代印章公口押字施之臣下可也豈所以待 北 可辭乎及疆知敵 渝平益不為昼金人答書欲以押字 たして 然敵莫能奪繇是不悦羈留中道者半年至涿州與敵 朝禮也行人何為金人大怒觀者為股栗公處之晏 立國當以禮義今修好不以禮交都不以義将何以 鄰國哉北

尚書吏部員外郎於是高麗入賀以公為宣問使假太 公笼曰所謂例者非趨伏羅拜乎皇子雖貴人臣也使 常少卿进之而殺其禮公曰國家學待麗人久矣今一 連挫敵幾復被留淵聖皇帝受內禪始還進官三等遷 使萬里去朝廷久此書真偽不可知因縱言及軍事公 也不祥莫大馬乃長揖而入既坐出誓書示公公曰某 人工了了人工了 男 浮襄文字 人雖賤亦人臣也兩國之臣相見而借君是一國二君 旦錫薄恐失其心不若如舊便從之至明州顧時多艱

属者敵犯京師乘與保金湯 南之鎮牽竭矣乃以幣易金總厚的其使而移文遣之 をごとせんした 建炎元年還朝歸矯制之罪上大嘉賞遷衛尉少卿公言 費以萬計公度俟詔而遣則失風潮之期留之經年東 那幸皆坚守謂宜陰以帛書許其世封使人知自愛不 必復来而尚嬰孤城 人春見其冬金人逼京師詔令不通使人坐館淹久日 凡緣客及民者率以便宜從事所過無秋毫擾初詔使 ノニーモ 此大臣不知變之過也今兩河諸 而居固盖知敵已棄去秋

草者十餘事言甚卓至上皆罷行之又請以承慶院營 正紀綱因指陳時政之失有崇寧大觀宣和之與未盡 且痛即損雖郊廟亦不用樂底精誠有以感動天地拜 絡之役付揚州升賜宫造作之事歸有司禁中差除須 而擇大臣鎮撫之車駕姑即建康而勢萬全矣擢起居 為賊有其陕西山東淮南則令增門溶隍以訓齊其人 12. Tail /11.10 右諫議大夫無侍講既就職首勘上以守法度慎爵賞 舍人又言方今二聖未還陛下於宫室衣服飲食之奉 子美文本

法度會那與以后父除微猷閣待制孟忠厚以太后好除 **韩奏大臣不正救者顯訟之先是公論時政上曰崇寧** 執再三皆朝奏養罷二年春拜中書舍人公前勘上守 軍 戒故公因此以堅上意時中貴人李志道以赦復保慶 之意故於政事無所可否馴致前日之禍自今當以為 金りてたノニー 大觀以来所以亂祖宗法者由宰相持禄唯恐失人主 索以關三省其不合天人之意戾祖宗之法者許大臣 承宣使添差入内内侍省都知容機亦落致任公論 0 卷十

光論張方平不當祭知政事自御史中丞遷翰林學士 厚自如公以縣自諫請除舍人疑有因乃奏曰昔司馬 次至日本二方 明 罪者適月至忠厚易承宣使乃出公以中書政事本命 宰相諭公日朝廷以次選非論事也公循不拜居家待 光言臣言是則方平當罷若以為非則臣當貶今兩無 令有不當輒封還之風采振一時而宰相滋不悦乃以 問而遭臣臣所未諭臣雖不肖願附於司馬光上令 護閣直學士公力言非祖宗制煥尋改觀察使而忠 浮溪文粹

事出公除集英殿脩撰提舉杭州洞霄宫議者為不平 白錢塘從華亭故今為華亭人曾祖至祖九思父公望 逾年上思公召還馬公上世齊人唐末避亂從錢塘又 然决意行之雖禍福死生陳前莫能移其所守故使異 迪功郎詳定一司勃令所删定官王崿公為人剛明家 公里贈奉議郎元室繼室皆朱氏封宜人三子仲英仲 くらにくも 術與人交退然若不能言者而遇大事一見其當 巡而仲巡早卒仲英仲傑皆石承務郎一女適右

一次を1四年入書 |域館遠客天子必以属公而公亦必得其要領在人主 中意豈淺哉使天假之年其設施當如何方向用公而 主未當不改容嘉納遭時變故上慨然起公於流落之 前論事衮衮援據精詳切中其思諱皆人所難言者人 州鳥程縣戴塢之原既葵八年而仲英遂求余銘不已 公以不起聞矣宜天子追思不忘而形於屢歎也公卒 余從公将最舊在西掖時又與公同貶知公為最詳者 以建炎三年四月丁卯獎以其年七月甲申其地在湖 浮溪文粹

遺直 勇帝不知我吾寧盡規諫之到切帝故見思氣吞虎狼 自古臣主鮮逢亟乖公於三君展也必語厥語伊何 是冝為銘銘曰 歸報靖康之朝建炎中與公首發用知無不言莫若公 而不年亦孔之哀矣雖異州同此澤國刻治無窮曰宋 萬里之外死生關身魯不少縣當饋與歎記追而来来 以忠蓋遭時屢更吾見其進始事微考飛英下僚以節

陶氏自证西將軍為東晉名臣數世而靖節先生繼之 朝請郎阻君墓表銘

遂為著姓然世家江州不知居吳興者何别也君請故


起家卒官承議郎通判鄂州以君故贈朝議大夫君少 字季成吳與人會祖沒祖謹世以詩書教子父录進士

孤力學問欲名官必自己致中元符三年進士乙科調 陕州司理松軍童費用兵陕西請君從君辭軍旅非所

次定四車人三方面 學貫遣客諭君幕府綠文書而已矢石非所及又固辭 浮溪文粹

吏部之格稍升而君不堪久次寧貶損以從其所安在 壇 京 之管城婺之東陽杭之富陽低何數邑幾二十年 士得之尤難當路有知君者欲以此 判官潤 而貫亦不能疆也知那 たいくしり 如京師 陽時俗喜關家藏鎧仗問里苦之更數令莫能禁君 師 非便求金壇令以歸其不汲汲於進取 州司兵曹事改宣義郎時卿寺丞禄號美官寒 Pp Ð 計曹以已所當得者調官於是又知鄭 州任縣坐小法免為台州軍 留君君度食貧留 如此罷金 晚於

·大小回 · 人口· 幾微見於言面所謂安於所遇者如君非邪元室吳氏 世為心故臨事敏明毅然敢為所居可紀他人莫之及 痛懲之風俗為變人皆按堵至畫像祠君盖君不以希 化縣一孫曰遷建炎四年六月癸酉定奉君葵湖州鳥 和宣和問士大夫尚奔競的秋毫之利可以關身者必 也積官至朝請即賜五品服年六十四卒於富陽當政 次室郭氏皆封安人一子曰定今為從任郎知潭州善 巧謀捷歩以取之君獨怡然静退甘心州縣以老略無 浮溪文粹 古



欽定四庫全書 之文故百餘年間朝廷清明天下亡事熙寧中大臣有 欲更祖宗法者惡士大夫言人人殊始指公論為流俗 祖宗以来天子與大臣論天下事命臺諫相應以義理 浮溪文粹卷十二 墓誌銘 微猷閣直學士致仕贈特進顯謨閣直學士蔣 公墓誌銘 宋 汪藻 撰

文字写一人三方 图

浮溪文梓

由是名節之不競三十餘年至政和宣和而天下以言 容嘉納許其忠精然後天下知忠言未曾不用也顧風 為天子辨是非屢擊推臣皆言人所難言者天子每改 後分居丹陽金壇故公為金壇人會祖野祖益皆隐居 云公諱猷字仲遠姓將氏東漢時有封義與正亭者具 國卒老于行不至輔相然至今論宣和賢者必曰蔣公 俗之衰士樂緘嘿謂吾君不能耳公雖以直道逡巡去 為諱當是時丹陽蔣公與諸生任中執法獨信其所學

メンロン モマル

欠三日 人は方 公憂服除為尚書膳部員外郎遷吏部宗子學建除宗 陵令縣介湖湘俗習文法喜關公初至訟至入老吏以 生皆器之南冠中元豐八年進士科調主武追簿移巴 不求仕父師錫慷慨有大節以公故贈光禄大夫公幻 寧初詔天下與學以公為信州教授監察御史丁光禄 莊重如成人力學而敏羣諸生試有司必處其上諸老 公年少易之公聽决如流皆叩頭服豪右屏迹政聲流 聞改宣德郎知江寧縣課最部使者以聞遷秋一等崇 浮溪文粹

賢殿脩 敢廢也今既奉安奏告矣奈何毀之執政怒送吏部差 通判南安軍逾年直前謾復故職召試中書舍人詞令 正少御無學制祭詳官改太常時紹原廟立信祖殿工 論 朕未曾总御也拜御史中丞魚侍讀公力解不可則首 既畢言者以為當廢朝廷下其議公言有其舉之莫之 なころしま 新為學者法坐節泊仁奪職不論點知應州俄除集 士風浮薄今羣臣無他能唯以善候同人主承望大 撰復拜中書舍人召還既對上日卿 411111 國之老成

次足司車 全里司 侍省獨乞不隸公論其非上曰既名有司不隸察何也 奏事殿中唯務雷同略無可否其欲稍自異者不過退 薄於自奉與土階 早宫室何異顏推廣聖心每如此以 見路寢尚仍祖宗之舊瓦木塗堅皆故暗有以見陛下 為愚而非矣之此風大不可長且大臣當輔佐天子今 保盈成上嘉納在京百司自元豐皆隸六察崇寧中內 臣為向背者謂之才其或耿介特立守正不回則衆指 有後言為中傷計此不可不察又言臣近因陪祠禁中 浮溪文粹

則 作童貫首隳舊制當時士論已不平帝曰有非常之功 內侍省其徒皆側目楊戩建節公言祖宗時未曾有此 陛下於是內侍劉友端等皆降官因命犬書公疏揭之 何功帝曰自朕即位以来制作禮樂皆出其手亦非小勞 者皆載之信史號為賢明臣職在執法不敢緘默以 論曰臣觀前代人君於近習有功不監賞有罪不廢法 即以公言正之尋察內侍省數事以開上寢其奏公極 有非常之賞童買有戰功不可以人而廢公徐日楊戬 負

1 5 E

KILDING ALTER 者因詔三省御史皇常遵守彈劾時三省吏遷官類至 易則名器平誠如即言然楊戬之命已行當為卿杜来 即降詔禁止趙良嗣獻平與書除私書丞公言良嗣降 言元豐時有選人與水利玉安石欲改京官者神考止 四品又近倖率請建墳寺及强市民居建第公悉論之 令循資於爵賞較秋毫如此況節鉞乎帝曰官爵得之 外之得則所謂非常者反為常矣帝稱善者人之公因 公曰事塞其源則人無觖望若夫攀縁展轉人人有意! 子異文字

臣竊未喻上因震怒曰朝廷事類如此無事輔紛更即 事於從臣中選忠信可託者往視可罷罷之因言自 クシビスモデ 下即位大河軌道何以更為勞民貴財循虚名虧實效 公言是沒有必不可成之理願循元豐開脩二股 水使者孟昌龄議河事久不成費以億萬計公私騷 氏族壻也帝怒甚釜且不測公平心處決釜以不宛都 付公治守李釜雅為時宰所惡而貳陳求道者宰相終 人狂妄不宜出入禁中後良嗣果敗真州守貳更告計 7774 河 陛 故 鉄

一公劾之才狂妄希進并論其出使姦利状上大怒投之 |浮靡頭一切罷之其言反覆深切因論提舉兩浙常平 钦定軍全書 型 徐鑄以雜本錢界漕司製造廣東轉運使徐惕以虚名 才千里外公既感上知遇遂言東南應奉且十年如花 無所得懼解窮且得罪即督州縣發民吹水鑿山後不已 之范之才奉使淮南還言滌水有則可出詔之才求之 於臺属中遣人往具以實言已而為大臣沮格識者恨 石器用之物輸內府入權俸之家不為不足彈財以事 浮奚文粹

美財進後苑乞重真之法帝不從公타家待罪詔起之 省治吏得緣兹為姦公晨入坐曹使人得自言躬閱所 鴻慶宫宣和四年起知明州以不樂應奉事到官數日 部尚書以微猷閣直學士知婺州請投閒改提舉南京 為清宣和二年言者論公無官眾而事有不舉者罷吏 訴參格律令可否立疏於籍第而行之事以無壅銓曹 貢舉改工部月餘遷吏部四選事素繁提其長率怠於 因力請罷選兵部尚書無禮制局詳議官知政和七年

次と四事人二十二月 童貫總兵扈從有自疑心淵聖皇帝貶貫環衛竄池州 從則躬乘城畫夜守既解嚴天子命公持表候上皇時 至京師天子内禪上皇東巡公率同列上章乞遣避不 再至京師顧同列皆新進少年益不合日求去會敵騎 復請奉祠而歸七年以刑部尚書召與資善堂湖善公 練帛若樂遣行公及上皇在淮陰言國事泣下上皇亦 處之公慎首曰願陛下付臣勿以為慮湖聖皇帝喜賜 因命公持詔往四使貫退聽而母傷上皇之心即何以 浮溪文粹

鄉春秋六十有六遺奏聞上嗟悼贈特進顯謨閣直學 賢行後公二年卒二男子曰誤右承議郎知封州曰 老還宣奉大夫致仕十一月其甲子卒於昌國縣達莱 幸上皇鎮之遂宣詔童貫即日趨貶所公侍上皇還京 士下所属給葵事夫人劉氏尚書祠部郎中淑之女有 舉高山崇福宫建炎三年避敵明州 泣因請問言童貫得罪天下今朝廷正典刑唯陛下財 師選兵部尚書靖康元年復請聞以徽 Ĺ. 1111 卷十二 明年属病上章請 猷閣直學士

次定四車至了 益於時者未當言精深簡古似其為人以紹興三年 賓平生未曾以将辭偽色借人矯情降意徼利其論事 從即元即右承務郎公資軍厚寡言笑對家人終日 上前不為的合雖人主盛怒少間復前反覆開陳心盡 月十九日葵公明州野縣翔鳳鄉隐學山之東岡以叔 發書不觀有文集二十卷歲於家其為文一本經 析亡 理而後已其論薦皆一時名士平居無嗜好未當一日 右承事即三女子長造右從政郎龍将及吳恢次造右 浮溪文粹

特立再以她人主為心嬰迸鱗批大卻聞者為寒心失 道猶是也卒未當少貶則公之所立豈偶然者哉其服 時輩流越官簿而升者踵相蹋或以是尤公公沒曰吾 色而公諄諄盡言不已不啻如父子間泊歲晚因躓 世推移方公在朝廷時縉紳未曾有言名節者公吃然 與功利若權衡然常相為輕重士君子一志於功利 名節衰矣此宣待事至而後擇哉必有卓立素定不與 人劉氏科以左朝散郎許徳之之狀来請銘其當謂名節 を十二

鉛曰 文三日三 白山 在其位莫如我憂闔棺海山因室其域後人懷公視此 剛者吾其與歸堂堂將公古之遺直德為鳳麟心則金 以言訂一人埀衣萬事龜鏡厥後靡靡人因世移安得 君道主聽受言孔製臣有周比與食所關在告祖宗政 材不極用至今善人徒得君重國步中祝間關異州不 石見義而作直前靡思觀者為栗未當少早坐兹寡詣 浮溪文粹

膺公門知公為最詳實諸孤又以禮請敢不叙而銘諸

蘇氏自唐許公世有人其後分居閩之泉山真宗時 鉛刻 也 をに気なた 贈 既策名以小失有司程度補三班官非其志也仕至左 衛將軍提點荆湖南路刑獄歷知宜邵復三州以沒 仲昌員文武材召試賢良方正之属六科罷舉進士 ВБ 矢口 河 榝 福國公生神復舉進士賢良方正科入翰林為 へいり **猷閣待制致仕蘇公墓誌銘** 陽年未五十而卒生頌相哲宗元祐 卷十二 間守題 有

得聲譽益親師友力學問為詞章當路交薦之復辭 敏召至前與語奇之事由是得白而公亦以此 舉子服訴其誣於待漏院宰相吳正肅王文恭見其警 十三隨至京師就舍御史府前朝夕入問起居狀間衣 欽定四庫全書 父任為瀛州防禦推官調監澶州河北倉草場既少年 止如成人丞相 始英潤州丹陽公諱攜字李升丞相李子也切莊重舉 文殿大學士太子太保致仕與翰林皆贈太師魏國公 自開封尹知豪州赴御史董詔獄公年 卷十二 华 知名用

南京 書不受而請授同僚之賢者故一時名士皆屈華行與 羅務會課改宣德郎以及相春秋高請聞就養得管當 之交終淌授武成軍節度推官丁內艱免喪監潤州織 史量主簿選光禄寺及改大宗正丞尚書倉部即中經 會令缺行令事陳力二年如實為令者徒通判廬州 便安之去郡相與進留為之罷市中丞蔣公猷薦為 服除緣兄入黨籍差監充州東嶽廟尋除丹陽縣及 鴻慶宫徽宗皇帝立轉通直郎賜緋衣銀魚丞相 御

欽定四庫全書 龍 省科調民情以安俄請奉祠而歸尋避地閩中以墳墓 皇帝雅知公名謂執政曰如此等人可使之去朝廷邪 所除宗正少卿中書門下檢正諸房公事皆不拜復主 在 至京師公晝夜來城素贏不勝暴露敵退即求去淵聖 命降堂劉留之非故事也時以為荣數月復求去進直 郊祀思賜二品服擢衛尉少卿久之移光禄靖康初敵 丹陽由海道往来閱浙間者數歲紹與初召赴行在 圖閣 知明州金人渡江浙東西皆震獨四 卷十二 粹 明罷鄉兵

孜 管臨安府洞霄宫起知 起聞上嗟悼之得年七十六時紹與十年正月九 今人可及也所至必先問職當如何見有利害可論 之然剛正敏 積官至右 無何得做疾上章請老除微 **孜建明不為苟且而卒歸於忠厚若推强去惡** 于朝 不可則見上以解翌日 朝議大夫公退然如不 明凡事親居官治民與人交一出於誠 温州亦不拜召為太常少卿力 猷閣待制 詔 勝 權尚書刑部侍 衣與人言唯 致仕数日以不 恐傷 Ħ 郎 則 忘 兆 بي 心 居

文子,四号十八百百 官吏亡頼至擅出人於死既曰强盗矣有可憫者乎幸 人於情於法皆可生胡不識吏曰諸及歸守迎謂公曰 莫公若也官武成時行縣吏送之郊顧謂吏曰某盗二 然為國名臣由嘉祐治平以来公即之後能守家法者 其身為之其發趙姦伏如神人不能秋毫欺也以此自 耳且為言其所以生之狀守大怒將并案公公不為回 州縣歷量省至為侍從五十餘年無一事不可紀者隐 吾二人不預也亟治之公曰使好此獄者其也其當坐 浮溪文粹

虚文亡實惠可乎乃乞米於有司有司以為難請之再 去民不知其使者之曾經由也歲飢行眼濟法公日循 貢吏並縁拾取方數百里騷然公為區處於未至前既 祠庭之時京口號為多士又三茅山在其提封生徒之 歸者亦受而不辭所全活以千萬計方國家與學校新 三必得米則朝夕臨視沒沒然唯恐其不均雖都色之 而二人卒不死丹陽當東南舟車之衝異時高句麗入 不逞者憑籍為非視州縣亡如也公一切以法繼之旁 卷十二 大小可加 八二丁 之贏耳能積而至數萬斤乎且負擔者幾何人宣無 數萬斤覺題官與獄官通提歸罪於持衙者以為私其 此老吏某人所為也立遣人捕之則已亡去索於田 觀為縮頭而公處之泰然人知其不可犯也無不屏息 得之叩頭首服真諸法以狗由是其書遂絕麴院亡麴 者公行州事得何人書于訟篋中物色久之釋然悟日 丹陽大治合肥俗喜告計為匿名書至有竊乘驛以馳 嬴於酒官因使之亡去公語曰持衙者交私不過鉄两 浮溪文粹 間

貳曰今兹漕至者未半也吾符一下坐者無慮數百人 麴材未嘗入也左右大驚倉部當請于朝歲漕冬初 會之數 なでくてた 禋 百人還據地求卸甲錢公大怒叱去而陰勒牙兵為 至者監司者州縣官皆坐之吏持符請書公袖符見長 祀 兩月之期俟禮成而下則彼 止數十日間士大夫當得恩數者皆閣矣者稍 傅日蘇季升仁人之言也建炎赦至明 耶獄官不得對果勉官納磨户金而授之虚券 7:1:1:1 卷十二 將何辞長貳從之士大 州戍卒 不 31

未及門果誤而還超庫授甲公不為動徐禽為首者數 如此難以一二記也公雖精於吏事而未當一日去書 妹相敬如賓四十餘年後公月餘卒皆封恭人子孟容 能及古人不以多為貴者其謂是乎初娶元氏章簡公 絳之孫次娶自氏資政殿學士孝序之女繼室復以其 公詩曰蘇季升未當言詩也每一篇出高妙敦腴吾不 不観有文集五卷尤長於詩韓駒在鷗以詩名者母讀 人戮之而置其餘不問為之肅然盖公之過人者類皆 大正日三 日十日 浮溪文粹

右脩職郎兩浙路轉運司幹辨公事孫茂登任郎公卒 恭人稍果從公将最久得公之典刑名理非一會孟容 之五月孟容奉公葵於鎮江府丹陽縣長岡之原以曾 来速銘義不得辭銘曰 是似為否近臣似之伊何忠孝直清流輩盡矣歸然老 生魏公輔佐泰陵功名始終帝想風烈津求其人曰汝 蘇氏祚許縣唐迄今蟬聯再與實始翰林縣慶既遠乃 ないってた 入侍禁嚴于禰有光年及黃髮祉非不長無缺虧者 4111 巻十二

古之宅先坐是瞻 次足四季一个生 經其材競與伯仲同時推進士第又同時為縣令以治 家而不求任至君之父告始克大其門有三子皆授以 龜山先生楊時識其墓後以君官達贈朝散大夫君 君請懋字禹功姓吳氏其先義與陽美人也世以儒 行聞士大夫言義方者予吳氏伯曰愈仲即君也語卒 人胡噗嗟豈徳之厚報猶未遐大江西来龜筮叶占萬 朝請大夫直秘閣致仕吳君墓誌銘 浮溪文粹 十四 名

有立志風骨類秀望之疑然當與兒曹集外家有以博 其行坐强者東狗者西以五十人為甲使聽令問指其 詩文曰我輩人也會歲飢官出粟雅者萬人全集于場 儀會當逐皆知名士也負才氣軒輕人不少借一見君 太學籍籍有聲既捏第調當塗縣主簿時郭祥正李之 具遺君者君正色叱之曰死老奴敢汗我即坐容大驚 他吏無術至相躁踐以死州以命君君布灰於地而 知吳氏有子矣及長嗜學問從先生長者将如不及入

嘗識将假嗇夫之面也由是訟更十數令不能決者皆 秋 周 立 建書縣門子之期民信畏之其至不差點刻田里間未 指 大山田 人工 使者按旁郡民遮道言願以事決宿松使者曰縣各育 大雨圩且決最夕暴露治其防民頼以濟既去父老 無一 防 曰給彼民越而前左受栗右輸金各以序進未晡而 數曰微此吾其魚乎移宿松令以簡靜為政凡追 決之未幾宿松大治門不夜闔獄囚屢空一日 一人詳者當路交薦之縣有圩田民生理寓江中 浮溪文粹 苴 部

欺 或 所至人重足事之盛威臨君君不為動然此兩人者亦 劉五喪素廬壽間方鼓行出山去縣裁一驛其鋒銳 口吾色可否視吏色辭彼邑家有令在堂吏不能秋毫 者今行縛之盗聞君来不敗入其境後奉盗得吏疑獨 也雖遠奚憚察訪使趙點舒 汝舍汝令而從他令豈有說乎且道遠奈何民叩 止君母逐行君笑曰男兒當斬冠平找此鼠華何為 不能使君屈也改宣教即丁外艱服除知廬江縣盗 Alabara) 州守孫條取下如東淫 甚 頭

書為禮部員外郎會金立張邦昌法當郎草牋奏君度 至京師三上書言便宜不報後皆施行略如君策入尚 遺廬江曰彼有人馬不可圖也召監廷豐倉知扶溝長 人人口一人二二 對君因以疾求罷不聽遂稱為於家今上即位病即 是獲免已而王時雅用事坐政事堂君發憤罵時雅日 垣縣尋除諸王府記室兼講書淵聖皇帝受內禪金人 反賊吾獨不能擊汝如段秀實耶時雅面頸發赤不能 不可拒將引繩自裁有幸非常者億曰僕請為之君由 1 浮溪文粹 土 Ħ

籍官府求取無度變生不可期君能得推酤之贏給其 萬目 愈乃請老而歸嚴餘起公復故官尋除司農少卿 近臣交薦擢知明 稍 をだりせい 攺 三萬陳思恭領之水軍萬艘張公裕領之將縣卒騙凌 原歲終瞻之民不知兵治聲流 知 法贬秩 睢 吉州道得病到官病益侵即上還印綬六日卒年 睢 111 君一調 朝廷察具在推荆湖 14 **肠細大成舉於是衛兵留戍者步軍** 州承蹀血餘守將屢易公私掃 聞加直秘 北路轉運判官未行 閣以代歸 不

五十五寒紹與四年五月基甲子也積官至朝請大夫 之親沒分財獨推所得之居居其寡嫂思當任子不上 次至日二人三丁 数有荆溪集及他文合三十餘卷豪壯而贍蔚似其為 慎盈于中雖貴人心斥其思諸面折之然智次實洞然 其子而以其弟之子上之内外族姻與夫平生黨友戲 其遷多以勞能不以歲月君氣豪語直遇事有不可輕 無城府關鍵以故深中之人多不樂而賢士亦以此歸 不食寒不衣病者醫死者英嫁其女字其孤至不可勝 浮溪文粹

嗚呼禹功世乘波以流君業发也人視陰以偷君汲汲 學而喜文再任以官再不受其志非的目前者人謂 棺山南筆塔之原以某與君厚善来求銘乃輯君之 端之室師尹以君卒之年十二月某甲子其君其縣銅 適 必有後者其在兹乎女曰琚適左條職郎陸景端曰容 人娶同郡 左她功郎元盟曰瑶適石承務郎胡辨曰玩繼陸景 而銘之銘 楊氏封安人兩男四女曰師尹師説師尹好 日 行 君

成者四世而生城城生仲思仲思生升升於君為皇 ・犬ろううここかう 考以君通籍累贈中奉大夫君生十餘歲已能誦 開胡過而不入也寧贏厥躬尚後人之及也 西劉中大觀三年進士科調新昌令縣在豫章之中 屈其師與同郡梅執禮學會稽學者傾下之號東 君諱滂字您霖其先永嘉諸劉也唐末有徙居東陽武 也文雄而氣剛見者立也所臨必思遺老泣也君門洞 朝請即知建昌軍贈朝請大夫劉君墓誌銘 T 浮溪文粹

幾稱治雖旁色訟不能決者乞從君決之豪都氏棋 京師曰吾故人有孫耶除詳定敕令所刪定官欲挽 聽卒以法投豪相州蔡魯公京與君祖為布衣交 金グセド 里中挟貴姻誣人死君捕致械治之部使者為請 俗嗜關令到官輒移病去以他吏攝承君臨以誠 君 其迹且遷官君笑曰此市道也胡為及我哉京不 君置黨中會係常來書詩屏間京疑來鄉已屬君求 亦拂衣去坐是不調者十餘年靖康初金人渝盟神 至 悦

/: TE

巷

改定四車至一回 皆死馬天下完之時紹與四年七月一日也驛書聞 符趣君行君不得已到官甫半年而軍變君及母 将終馬其得建昌初不汲汲當國者數以人先君 給事中汪藻中書舍人李公彦言君可用韶用君為 博士道阻不拜建炎中上問人材於近臣學士詹 其期君不較也至紹與三年冬適五年矣一旦尚書 建昌軍君少時銳功名既數罷歸意益怠頗治泉石 著書數千言来京師士大夫口相傳以熟除太常 浮溪文粹


吏也乃并其家碎于賊此而不懲失政刑矣願録滂之 此凶人無所思臣竊聞建昌比守皆異懦威權不張兵 **羣入市壞其肆戕其人滂捕繫追償兹守臣之職盖能** 守臣皆囚於其下議者率歸罪有司以為陋於扮值 家艱難以来福州殺即臣建州殺漕臣建康杭秀之 天子震怒的時臣討始亂者皆伏誅於是御史言國 悍驕邀取亡度劉滂一切以法裁之兵不勝其念至 以白其冤乃詔褒君為朝請大夫官其子若孫二人

事留京師君達在馬自此日相從不見之間無月無書 中余官豫章君来新昌一相見如故知越數年余以職 也又十餘年余守吳與君以書抵余曰吾御吾母之建 財赴之居官嫉惡如仇毅然不可回奪以及于難大觀 柱山之原君好學善属文與人交始終如一聞人急傾 墉以紹與五年十月奉君安人之丧合其於太平鄉金 偕死子三人曰道曰墉曰緇郎垣垂卒縕郎軍亂失之 君卒時年五十六妻安人湯氏兵及身侍姑不去與姑 浮溪文粹

為 からしくした インリーモ **奇既而其亡為不朽矣余方欲管粹其事私識之而塘** 以書用其孤此人情至哀也可以殭致即 昌百里餘問建昌人君遇歌時曲折皆慟哭失聲以對 昌矣頃之間建昌難作余為之矍然明年守臨川 惟 来求余銘至三四不已則為之銘銘 义 古者之仕兮求其志之心行尚利及於汝世兮顧 聞君卒之期年父老會佛祠哭君有欲絕者且千里 於久生嗟夫子之榮名今奉皇與而遵路歷羊腸而 日 秋則君雖 距 遇 何

TO THE PARTY OF TH	
欽定四車全書	野 飲 食 而 必 群 數 報 其 排 動 報 其 非
	徐 · 林 · 林 · 林 · 林 · 林 · 林 · 林 · 林 · 林 ·
浮溪文粹	雖飲食而必祭用沈東以斯文分哀我侯於世世封將鋤雖其榛梗分反殺身而覆宗民哀君之無處辭兮敢前知於所仆皇揆余之忠信兮界时水
¥-1	雖飲食而必祭用沈冤以斯文分哀我侯於世世封將鋤雖其榛梗分反殺身而覆宗民哀君之無時分處辭兮敢前知於所仆皇揆余之忠信今畀盱水之四

WHEN THE PERSON



欽定四庫全書卷 浮溪文粹卷士三 墓誌銘 左朝請大夫知全州汪君墓誌銘 宋 汪藻 撰

起家為秘書承贈光禄少卿曾祖諱其官至尚書都官 者以貨雄饒飲問數世而至君之高祖諱某擢進士第 新安汪氏見於隋末唐初五季之亂有自黃墩從婺源

次字四車全書

浮溪文粹

員外郎贈中大夫祖諱某官至奉議郎贈少傅三世踵

授岳州録事參軍丁大中憂服除監泗州軍資庫會鹽 於學藻復與君連取科第里人祭之皇考以君故贈大 **英興朝廷選君監泰州海安鎮鹽場課最改宣義即** 縣主簿用薦者胜通仕郎為宣州太平縣令坐小法免 入太學為諸生有能文聲紹聖四年解褐調常州晉陵 中大夫君諱愷字伯疆少奇穎渾厚甫冠為有司所 長子也以少傅春秋高就養左右不求任而縱其弟藻 相躡登進士第世有清德為江南聞家皇考諱縣少傅 キモ 推

欠ううとは 官未幾復移知撫州春年請奉祠得主管江州太平 差通判熊州除知常州漢陽軍吉州未行移知處州到 州崇道觀久之起知全州盖君之官簿如此岳州平 脩以十科善治財賦薦君推提舉兩浙東路鹽場江南 扶潘起知衣州於是資政殿學士葉夢得給事中胡交 民以競渡關死獄上于州守惡令欲深探其微林連數 西路轉運判官泣事兩月除知江州請奉祠得主管台 准陽軍宿運宣州寧國縣丁太碩人王氏憂服除添 4 浮溪文字 觀

俟 長 詔令未通饒州酒官都陛者出軍伍怙勇挟奸持 米道者相傳能致雷雨还者立死縣檄 をごくだん 紶 反出之守大怒君引法力争守不能屈太平有為五斗 百人時大暑年户皆滿君止擊其當罪者數人餘悉平 亦佩剱出城為關吏所録守 郡守不能制而深怨之會盜侵旁郡舉城皆奔 衆躬造其廬人為君懼卒禽之置于法靖康初 斬之君曰急装時以刀 211911 V 劍自衛人情也可盡該乎 Ep 証以 尉捕 叛并其父械于 尉辞 性之 即短 朝 君 廷 不

持之數日陞與其子皆免君之将如處州也敵已至會 、くこの地へこす **稽人皆勘君母行君不聴既而潰兵四集君求所以終** 泣 祁刀 行民挽留君君曰此吾心也乃調護其衆使出疆而民 馬俊兵入属邑州之南北數百里皆震新守入境不敢 馭之街至不解衣而寢者兩月尋移撫州未行間王獎 死于兵半年請公署為異日之信君立械其人於獄僚 無 不知未一月盗官儀焚處州於是人人思君至于感 州民許一女歸其隣久矣既 浮溪文粹 而 悔之一日白官

**逸吾判耳請為諸君致其女明日而女果出人以為神** 之地春秋七十有三積官至左朝請大夫君刻意學問 属 イングセグ ショ 将於括蒼少将奇其文以手書勉之然未當引以自名 絽 君子也及守官臨民則精明剛正人不能欺亦不能 平居孝友清修日以慕古人追前輩為事循循 直造作者之域而不樂為科舉之文未第時見秦少 與十二年八月其甲子以疾卒于饒州德與縣所居 愕然君笑日女誠死不白官也必女家不良其夫欲 然有德

欽定四車全書 四 首任其弟人以為難先是君怙於追取數免稀遷居閒 時衣珥分遣之不名一錢及官至五品遇恩當任子而 堪其爱而君絕甘分少於長幻親跳必均未當以一介 之日多泊大中與太碩人棄諸孤家徒四壁立無置錐 行大中以為憂君繼納兩婦皆公卿大家乃盡舉其嫁 可耕君合兄弟數房同食其所得之俸他人見之若不 不能自如君之所以養志周旋者無所不至時二妹未 而卒弱於忠厚方大中無恙時承數世清徳之後家食 浮溪文粹

取諸人客至飯疏相對清談終日出於至誠乃并其家 舉等以十三年十二月丁酉奉君其饒州德典縣龍溪 郎漳州龍岩縣尉曰仲舉未仕一女造進士俞名恭堯 聞者無不出涕凡三娶初室吕氏次蔣氏次李氏朝散 僕隸兒童亦怡然無不潘之色可謂賢也已故卒之日 三子曰充舉右迪功郎鑄錢司催綱官曰舜舉右修職 而觀文殿學士蔣之奇樞密使李韶之孫也皆封宜人 即贈通奉大夫吕全宣德郎将珍中散大夫李演之女

次足四車至三回 宫 於其中盖古之徳人令之循吏也尚千萬年勿毀其 社齊其終故所居人慕之所在民思之無秋毫愧作 約而君獨約其所豐以孝友統誠懋其本以康寧 學長同仕也是宜為銘銘曰 源 嗚呼人皆樂其所憂而君獨憂其所樂人皆豐其所 少傳墓南三里藻雖於君為諸父而少君九歲少同 朝 散即致仕胡君墓誌銘 浮溪文幹 Ð

士科仕至處州司法祭軍君其次也君少刻意于學自 也君諱咸字誠甫曾祖婚祖筠皆樂里居不求仕至父 屬以縣名者六而邑小士多績溪為最績溪為民以族 策始起家為鉛山尉誨其子必千里求師長子宏登進 曰誠甫其書満家仰承俯授皆有師法又其族之尤者 名者無慮百餘而學傳子孫胡氏為最胡氏有隱君子 六經司馬遷班固范氏陳壽史書皆手鈔成誦會熙寧 大江之東以郡名者十而士之慕學新安為最新安之 为定四車~一百 糾 自承事郎累官至朝散郎舜陟又以所當得服授君賜 登法從典大州隐然為天子名臣君饗其禄幾二十年 授之不數年其子舜防舜舉踵相躡取高第而舜防遂 問為之領袖一旦如有不樂者謝病歸召諸子出其書 還其精如此方是時士集京師歲以干計君類然出其 經自得其指歸而尤遂于易将太學十餘年率杖策往 元豐間朝廷以經術新天下之材學者宗王氏君於諸 衣銀魚績溪固多士如君父子得名稱章級而歸者 浮溪文粹 •

為 仲 卒 守合肥盗環其疆倉制之功州人懷之為肖像以 君不以為喜盖君之得於中者又如此建炎四年八月 無幾而公又慈祥豈弟有以且之長老稱馬方舜防之 申皆疑然有立日常舉迪功郎二女子造士人葉文 亥以疾終于家春秋八十 有一娶閱氏封安人前君 鄭邦彦五孫日俱仔傳俊其一尚幻而仔 四男子曰舜陟朝請大夫克徽 御史也優擊大臣大臣欲真之死而君不以為憂 猷 閣待 制日舜俞日 亦廸功 祠 而 及

非 其子琢有連城之鼓君之樂世以儒名道傳而志行有 者宜銘記後銘曰 管城之原来求銘納之擴中果與君世姻知君非一日 大江日 二十二 子在廷吾亦彩纓饗耄期之齡下山之陽維水泱泱雖 國人之式君之學得之先覺聞尊而見卓不明其璞遺 君之德純明該直懿鄉而隆戚脩身以亟動而有則 孤將以紹興元年五月丁未奉公葵於湖州安吉縣 其鄉與其山相望子孫家傍為萬世之歲 浮溪文粹 Ŧ

與中大夫汪公果係相好也時大夫諸孫侍旁者朝奉 安人王氏請文麗字切明其先會格蕭山人祖絲以兵 まるかく セガ 日兩陳令人長令人之亡諸幼果累肩差朝夕孺慕人 科聲聞吳中號蕭山王家父霽卒官太常博士官于池 部員外郎事昭陵為三司鹽鐵判官子若孫踵登進士 公某長而賢乃以安人妻馬朝奉之父曰中奉公集母 不堪其憂安人為以育撫攜甚於已子及少令人入汪 安人王氏墓誌銘

所以奉承者安人最起則躬視具庖下比珍異百須之 次定回車 主書 如富至今里人談之方安人勤舅姑之養也諸子既與 立少令人之側恰恰侃侃若不能言者婦姑白首相敬 物每車馬及門輒舉以進老人未當貴一詞也已而侍 以運具歸安人左右賛襄悉有條序泊中奉請老果居 進士不第念中奉春秋島買田築室於故居浮溪之陽 而樂之因較家事勿復關我日從賓客飲酒朝奉益思 氏而髦者冠髮者并交手受姑退立堂下朝奉既再舉 浮溪文粹

告疑然成人長子惶握絡聖四年進士第安人**餐其**禄 於學矣安人間於盟饋之事則心臨視其所習故諸子 十有四男女七人愷朝奉郎知宣州寧國縣忱當以進 居如平時越三日棄諸孤泊屬織無一語亂者享年七 思人皆終其身不忍去宣和六年四月壬戌遇微疾起 日宴坐誦佛書求出世間法雖寒暑不置也御僮使有 命書以有今封安人自朝奉公及即致家政于其婦終 二十餘年愷於內行甚脩事安人盡禮丐恩于朝再錫 卷十三

壬申稍安人於宣州涇縣方壺村朝奉公之塋藻朝奉 进士胡聞脩儒林郎俞積通直郎杜璟孫五人堯舉舜 士得官病不能赴前安人二日卒慥未仕怕早卒女適 次足马車全十三 順於承夫惟婦之正孝而宜家緊族之慶安人方處姆 季弟也事安人為最久乃再拜叙其本末泣而銘之銘 舉待舉餘尚切堯舉太學內舍生愷慥將以七年三月 訓則乎来嬪汪宗送往事居老人坐堂夫奉賓謁歸趨 浮溪文粹


詞于幽室穿之始 報疑未酶豈無後人尚對厥休方壺之原下從夫子納 庭禄養恩封備有終嘏天之報人還以施者施則學矣 出房醴哉咸列退訴諸寢託然執經孰成其親有子在 溪文粹卷十三 卷十三

欽定四庫全書

浮溪文料卷十四 集部

詳校官無吉士臣新樹培 侍讀臣孫球覆勘

校對官中書日係步雲 總校官知縣臣楊懋珩 騰録監生臣官懋斌



學掃一室獨居人不堪其憂澹如也饒士盛東南應書 文居諸生右而行獨修飭出入皆可縱迹祭酒博士欲 京師補太學生產數千人試于有司復中第二自是以 常數千人所取裁百一公以童子在選中時年十四入 言行為鄉人所宗一時豪傑皆拜其家如子姓至中奉 金グにんごう 召見之不能也連三試禮部以元豐五年權進士第時 居江淮者故今為饒州德與人大理通直父子以氣節 公始舉進士公幼莊重方髫稚已凛然有成人風性嗜 卷十

大父母父母於堂人以為榮調臨江軍司理祭軍遷流 火王四重全一三 使者亦奏公節行於是落致仕召對力辭不報則面陳 致其仕則恩及之遂以通直郎致仕時年三十有一丁 年二十有一禮部尚書黃公履聞其名以女妻之歸拜 令人愛有絕人之行葬之日鶴翔于墓上嗣服問輔臣 不可碑其事以懷之用為者於法應遷以大父母年髙 州防禦推官知處州遂昌縣事有政績代去民挽留之 人材可用者自丞相布以公對而翰林學士自肇及部 浮溪文粹

求天下無治不可得也因言東南災傷脈給有限願廣 求所以寬恤之術而杭州置造局可能臣曾謂人主 人主能不以功業之敏自矜盈成之易自佚守之以中 明志慮且耗怠而賢不肖混淆至於紀網不振矣願陸 日萬幾所恃者方寸之地耳一累於物以失其正則聰 通判杭州以親老乞監西京東截廟丁中奉公憂服除 下清心省慾以窒禍之原天下幸甚上嘉納將用公而 不利以為時朝廷大體授公親賢定教授未幾除

齊已舊青蠲新賦凡可以弭災無不為者手疏力請於 過半大臣不悅歲旱饑盡於常平米及應留上供米眼 浮冗侵常平本錢或取給於民公約為數條上之所節 溝防之修者以千萬計時居養安濟法行久有司頗以 提舉江南西路常平等事泊終任田疇之墾桑柘之植 流冗悉歸施及鄰壤其全活者不可勝數會中背人為 里雖瘴疫冒之而前官吏為惶恐盡力於是方數千里 朝凡八十餘上纖悉有法躬獨所部閱半成暑行數萬

火足四重全替 一

浮溪文粹

數加舊乎祖宗置東南軍伍與西北異上下相安百五 臣监司守貳而下劾罷之公曰散軍衣半錢何也况其 走馬者怙力挟私以官吏散軍衣給錢非是舉一路帥 報直以體量尺紙能之可乎今兹正貸奉行尤籍官吏 十年矣今一旦以給散坐帥臣监司恐軍浸驕不可制 倖為朝廷憂於是詔悉還之官吏相慶自崇寧行鹽鈔 乃空十郡僅有存者非徒無檢視蹂踐之悉慮別啓姦 且帥臣監司朝廷與之分憂顧者也政使有罪猶當待

米以給民既不堪其苛而和買四十萬緡復以無所從 恩盡給今歲租百四十萬斛給中都百三十萬而官兵 火足四重二 萬稱和雜故雖凶歲不乏自更法以來州縣重取民耗 度五十萬使歳入如數猶闕四十萬舊以鹽利三十餘 則奏自祖宗以來歲給蠶鹽以取民輸今民既輸五年 名公乃大發常平米計直予民猶不能半會星變大赦 法和買民帛率不得償雖朝廷令借封橋錢而錢特空 縣至有負民五十萬緒者將何所控告謂宜因需 浮溪文粹

希恩者以為羨餘獻之故朝廷不足則下諸路補發勢 萬緡使歲廣雜以備非常隨補隨取此萬世良法也自 數祖宗立東南上供額六百萬斛賜發運司本錢數百 封言事公言本路去歲詔蠲租四十萬而戸部責發如 出之錢給之民心易搖不可不慮議者徒謂虧椎債務 少敷於民為無窮之害緣此漕計籍乏無名之飲百出 額此豈知社稷至計哉未報問會詔書許諸路監司實 臣以為補發不當復催盡以鹽額還漕司雜本錢還發

遂成之泊對上勞苦良渥首以江西服濟為言公奏求 聞公言友餘張角術也異時李逢當以此惑民請論如 洪州官沒錫數萬斤繁丘更七百人於獄株連且千計 和氣乎朝廷為罷獄與國民郭友餘習妖教郡以屢赦 之追償必不可得之物方歲凶之餘冤濫如此何以召 法大觀四年領廣鹽入議時上躬政事除寬盡下公欲 公曰十年失於議察有司之過也令羅取無罪之人苦

運司便已而運鹽復元豐法稍以鹽還民公之力為多

大三可重 三

浮溪文粹

魚以遣且曰推行法度要在得人不擾於民方為利國 荒臣職也惟本路闕乏所請輒從民力以舒為大利故 ノユゲレル ミョ 有所見奏陳公頓首謝因言臣幸因天寧節隨班上壽 和氣薰蒸豐穣隨應若行此數年公私自然充實願除 陛下無心谷天戒時上大悅即日趣議鹽事得內侍省 下守之勿疑上深然之曰卿姑行行召卿矣賜緋衣銀 不勝封人之祝昔管仲祝桓公以無忘在莒時臣亦願 公奏訓詞深厚气領之天下付之史官從之救歸本路

競百姓富朝廷正奉臣和以示人主尊強隆盛之勢反 請限豐歲廣耀之數以母奪民食精縣令銓補之法以 復數千言時執政近臣方大為矛盾故公言屢及之以 山失民平勿安文移常平封椿錢以志滅二寇使中國 為治之害莫大於此願思所以協和之且申嚴戒敕又 刻除黨籍與天下更始而有司以大臣警怨廢錮自如 以大臣不和議論不一觀望苟且莫肯自盡陛下毀石 **牒事聽關白公即奏陛下幸蠲煩苛破朋黨而士大夫** 

次主四重全書

浮溪文粹

數公思陳利害奏罷之且言鹽法既更其封椿鹽可盡 納納絹之期追遠年無名之責衛官田者大虧上供之 感悟上意選轉運使人謂公德行文學宜在朝廷處之 以浮數調民州縣通增所取無藝更緣為姦或州郡以 辨而民不知尋從淮南先是漕臣承抛降慮不及事則 達有勞進两官公於漕計能權其贏為轉輸之本故屬 給和買還之民力陳見聽以廣鹽敷額賜三品服以直 非其地而公不屑會嚴懲疫朝廷責補發不已又促輸

次定日草主言 一 苗斛斗脈貸且通一路有無應辨公私為之两濟詔書 錢法處更農末皆病公乞蠲租賦盡散洛口米常平青 其狀并所自以聞記各驅還所役違者從公械治於是 褒諭尋以江淮諸司使臣游蠹諸郡命公按之公悉條 親嫌言者令再任除直龍圖閣歲水災甚民流滿道而 陳或於或免其事非一當時稱便被旨赴關大臣以有 融之法民數趨之有出非其時地非所出者復曲折為 非所産至漫數年不一輸者公令民必實且為納直通 浮溪文粹

|被自以為功乃奏罷憲臣而公亦坐降两官自淮賊擾 則丘民為天子顧不重哉縉紳誦之小人由是得以間 之寖復以表謝其畧曰雖以天下奉一人不為過也然 渠魁未擒不拜方欲條上討賊之方而遣中貴人董捕 公會盗劉五暴廬壽公走助憲臣破之除秘閣修撰以 大失權倖意徙两淛公聞蘇杭局每物必十倍其費以 日焚官物八十萬是也於是因辭免慷慨力陳命以 供奉餘悉的權倖為已私窮之則火其籍如蘇州

務朝廷縱未能盡還歲額若止分其半以助漕司歲會 |為之計稍有水旱即干叩朝廷此大弊也其原自權貨 貨務應和買鹽並支見錢而民卒不得乃至軍儲亦月 產添置官兵及朝廷非汎拋買外一項茶鹽錢並入権 天下合得和買茶醬鹽價賜之許折紀上供錢以示大 乃言東南諸路闕乏之由除撥賜膽學宗室等財用田 不警省萬一有緩急何以待之因手詔取會漕司財用 軍興頗乏公以為縣官空匱未有甚於此時而當路恬

**東
主
国
車
全
・
言
・
・** 

浮溪文粹

方以用度不繼率取給於此雖人知其非尚避誅罰莫 法貧弱之民可謂無名無數高下不均之甚矣而有司 倍輸不可其間官户以体免豪猾以略移所苦者特畏 迫之不無騷擾之患今民和買既不得錢而斛斗又非 殿最止用漕司方以經入不足為憂不知錢何所出恐 一歲務增羨民窮困不聊生可為流涕今於雜本之復須 五百萬番屬者趙霆宣御筆令於額外計置解米歲終 信於民諸路當亦少寬茶鹽法行十餘年尚未立租額

矣願陛下儲此錢以馭四夷若夫理財た在節用而節 田屋之類尤為泛濫佐命如趙普不聞官為造第也定 固寵市恩不可不察其次如人臣賜第賜帶子金帛給 用以修造為先修造雖於體國有不可廢者比類以此 不告其直什一而使之倍輸額外無名無數之敛有間 三曰市易取淨利以役商買雖名非正然與數和買而 常平止納息以抑兼并二曰下戸均出役錢以絕姦偽 肯為陛下言者况復使之額外計置哉因進三說一曰

浮溪文等

|苑園而入諸臣之家民力之奉将安所涯願示休息之 直達綱船公以上供期迫乞還之且因起發竹石上言 策如韓琦不聞彫墙峻宇僣擬宫省也令乃人得居而 期以厚天下書奏權貴積怒未發問御筆以直達促限 本路一竹之費無處五十緡他路循不止此今不以充 成法章交上上察其誠不之罪也會御前人船所占留 用之說付有司看詳而大臣及議者不察謂公言利揺 有之奈何掠民屑髓為厮役之奉平書奏自禁中摘節

金ケロんどう

卷十

江時中奉公客照河未歸步馳省者再冒寒暑往返萬 |便更宣和改元赦復朝奉大夫夏祭赦復朝散大夫宣 平事責授濠州團練副使郴州安置尋以討賊功許自 妄言不循分義之說外廷方莫測而臺臣復論前奏常 者乞展限其詞激烈奉御筆落職監信州酒稅有輕躁 六歲已能知母疾療之通直曰是必為孝子矣既罷臨 令漕臣較州郡賞罰公貼黃親書力陳人情有大不可 和二年六月十七日以疾終于家享年六十公誠孝甫

一次定四事全書 一零

浮溪文料

|請老也年方壯人惜其遽公曰養及四親人之至幸也 人所難者令人疾病一夕鬚髮為變扶侍彌月癯然骨 其志者時四親在堂隨其意奉之日躬僕妄之勞有古 餘里卒御之以歸自是專以奉親為樂舉天下無以易 喪亦如之終其身孺慕不已言及斬聲與涕俱初公之 立既卒勺飲不入口者七日屢絕復蘇方哀毀甚而奉 不當味不飲樂泣不絕聲終丧三年及侍祖姓疾執父 飲食起居無一不如生者吸粥寝苫不盥不櫛不易衣

次足四東全雪 一两 諱武方行之令與大臣權倖為敵而無所同附及覆窮 一士大夫想聞其風及對首陳謹論卓然以名節當上意 萬一有不及為終身憂其可緩乎是年以父母之恩及 其面陳者不計章疏凡數百上悉天下大計觸當時之 於出處皆合天下益賢之自此三賜對泊奉使十餘年 幾復以已得之服為祖榮於是聞者莫不聳動而天下 其祖姚而以妻封及其母鄉人彭汝礪為文頌歎之未 人知公名矣公居山林久一旦為天子所知起之召對 浮溪文粹

司者在建中則言不當棄地在大觀政和則言雜本和 関深援引古今深知治體在元祐則言武新法置理訴 經史務欲明聖人之道而見之行事故發為議論幹博 識皆為實涕公之學不守章句居閒十有六年專章思 坐言譴死而天下拱手推為正人鉅德卒之日識與不 使獎齊於開陳多見聽納而小人權倖日以讒公雖卒 栗而公不恤也上亦知公精忠每排衆議用之數加器 盡不度可否以身任之有军執臺諫所不敢言人為股 J. とこうえ こ **掎角而國家懲實元元豐之失以兵為諱非也夫維大** 二邊之患近而且處者惟熙河青唐以其與夏人相為 得其曲折歸以告彭汝礪使并王贍薦用之其說以為 |論邊事た詳且至自熙河深以中國屈於夷狄為大耻 買茶鹽法其大者欲人主正心術去朋黨斥玩好而於 舟者必屢折其勢制猛獸者必先困其力彼夏賊蕞爾 之以棄熙河為持右臂投羌將為雕蜀之害而守熙河 正當徐以術制之不當急與之校乃陳政禦備守策上 字奚之卒

每有事西方未當不言至論常平則又言之欲必取二 青唐悉如公言元符問夏人窮蹙籍契丹請平公以為 師有名矣彼固已失其咽喉若由蘭會浮槎以進一夕 自祖宗以來每敵犯塞為害益深所侵益大所須益多 可至所謂迅雷不及掩耳者會命已行不果從後朝廷 否則歸我河南質其大臣愛子皆不從則曲在彼而我 不取後稍振必復為害不若厚禮其使使乾順身入朝 非滅青唐取河南不可其後朝廷卒不棄熙河王瞻取 卷十四

臨事強明人不能欺充汲汲於恤民與客論利病常至 邊自陳東南無事欲行死邊塞求人可用者用人當如 寵利則低回畏避甚於機穿居太學時得家問輒舉該 一殿而不傷升點以核實不以偏辭故自為州縣吏至為 李愬縛元濟之奇不當如樊會行匈奴之誕人皆偉之 部使者人皆取法畏而服之於施財樂善如皆懲然至 夜分有所得立陳推見本末能使朝廷必從已其馭吏 公於吏治不為文具凡勞險煩劇人所不堪者未嘗辭 字实文降

常數十人葬死字孤皆得其所求而去士之落南縣江 **未曾以私干人其遷官十悉以勞以恩而不磨勘淮南** 授同舎之貧者所至坐客隨滿親友将士館於公家者 非其罪者雖自敵已上非職所及亦冒為之言然平生 追購之退視其奉養陋甚死之日餘銅無壺書數簏而 之僚有攘公之功取優遷而賞不及公者人皆慎之公 西以出者多賴公以生大臣臺諫以忠斥者率數千里 巳間人小善必液而成之雖昧平生亦拳拳慰薦或斥 卷十四

名其終身者在公皆不足道也夫人黄氏南華縣君改 次已四年二十二月 就無所不從及忠義激烈萬牛莫能回其心也居鄉里 於親政長幼小大厚薄無不用其至盖人有一善可以 之出終身可復喜面折人過然退無異言於人委曲成 父皆非故事特古從之平居無厚不伐智中洞然一言 朝廷亦雅高其節始以服推其祖晚以子之官官其叔 **圭田又指已而均之其與人不校反調馥之類如此然** 未當言及坐淮賊例鐫官則乞併降已官以除其負得 浮溪文粹 十四

封宜人知書有賢行先公四十日卒子四人蠢太學博 釋氏其文温潤純粹仁義之言語如也詩平淡簡古似 |觀故下至天文地理上筮圖緯歷數無不精通而充深 范涓寶應縣丞属澹一人尚幼至老未當一日釋書不 郎李綱大學博士李富國大府寺丞薛良顯杭州監於 士熹將仕郎輝煥未官女七人適秘書郎黃伯思起居 其為人鄉人師之隨其材或文或行皆有可稱而其弟 相撲遂以文學雖臺省躋侍從為名臣其子燾亦以任

人、一切、1/11 1 1 1 洋溪文洋 鄒浩之類皆自公發之其裨益之功陰及天下非一而 大事雖相去千里公有言必告有大事亦以咨公如採 吾從矣亦何常之有哉而妻父黃履充器公以為可屬 |轉言之又以告大臣親舊者當曰尚有以天下為度者 身雖不在朝廷而未當一日忘君當思風俗上下相蒙 卷公早樹立隱然有公輔望自親亡力思所以報國故 子力學廷中第三人有釋周禮易春秋等書三百六十 以取利每因職事所及災異所詢於爱君恤民之際諄

謂忠義出於天性古之全德君子諸孤将以某年某月 言於朝疾已革其語不倫矣而所道亦時事也嗚呼可 其志施設何如哉聞貶柳陽獨挈其所著書以行及返 功名富貴之累為得聖人用心顧世人未知之耳使遂 吾以委此事君雖出沒風波萬變之中隨宜抹世而無 一競者疾公不置以天子聰明大度知公如此而曾不得! 猶疏時事數千言須上悟而陳之且属弟侍御史樸誦 日立于朝廷之上或以時未可言謂公少股者公曰 卷十四

次正四年八五		7	<b>堂犬</b> 某甲子合葬公夫人於其里鑄印墩謹録其行事如右
浮溪文粹			人於其里鑄印場
十六六			公謹録其行事如右

Partersola

浮溪文粹卷十四					一アミル・ヒッド こここ 一世
				-	卷十四
	,	-			_

聞說烟塵因感告誰教晉則則東西却愧泰城限南北 欽定四庫全書 マノニノヨーころはあ 關中日月空萬古花下山川長一身中原別後無消息 咫尺蓬萊滄海隔那知平地有青春只屬尋常避世人 祖龍門外神傳璧方士猶言仙可得東行欲與義門親 詩 桃源行 於卷十五 浮溪文外 宋 汪藻 撰

種桃辛苦望長年 間萬事愈可憐此地當時亦偶然何事區區漢天子

過呉明叟新居

高以緑陰啼鳥下冥冥一徑傍花入忽有青池照深夏 誰開大屋沉沉者門外垂楊拂車馬主人四十持節歸

魚吹落日知鏡净荷受微風看珠鴻夫君少有湖海氣

稍培幽桂出愈底時放青山來竹錄人言此與極不淺 欲腳長鯨無地跨故將能事態世人坐向雲端差萬瓦

<del>壽告新晴報鐘魚東雷亦已鳴百草若賴舒奈何與之</del> 世事將馬如 子齒髮日夜跳卷此不能發牽衣更踟蹰明朝各回首 竹間寺共摘園中蘇殘僧誰在亡奄忽十載餘名果話 **幽臥不知覺慮懸寒日初矧伊夜來雨谿聲到吾廬故** を三日司を言 天遣公忙那肯赦要須便作輔川圖他日思歸聊對畫 挽我出忽枉天際書踏險敢自休青山轉籃與相逢 同張昌時宿髙明寺 Ţ, 浮溪文粹

金グレんでき **撒迎我攜魚薦南京月出殊未高跳林隱微明依沒會** 鳥盡雙去潜魚時一 雨静林薩鵓鴣相應鳴移舟漾清深薄晚荷氣生歸 次髙郵軍 騰恭請若無人渺渺炊烟橫艇子

渡頭急雨鳴森木木抄顛風飛大屋沒署寒水稻生芽

滿眼青泥車折軸山行值兩舟值風窮愁日日煩天公

有處斗掛天邊城 阻風雨辟邪渡寄王仲成

挽我不回君怒嗔交情把玩轉清新相隨百里還相見 喜君骨次渾氷雪擬將身作買胡語無奈事如空鳥滅 只有西山似故人 今日幸無雨天空出選本行行不知疲遂至春江潯汲 不如歸臥澗壑底世事不埽春\*空別君雨年重此別 避地函亭野步

欠い可以下


戲見為新蒲映浮沉我生本樵漁對此詣初心風物豈

浮溪文粹

路轉離落人家在桑陰平疇漲清波雕麥如人深溝吹

兹 将豈 嶇 做銷憂賴濁醪太息誰能斟 イングレル つき 里兩宮隅辰參龍移螻螘窺月晦蟾蜍侵宇宙有傾覆 頭短長更不寐聽熊門趺坐數千息焚香待朝歌 幽 不好悲來自難任選塵暗中原四海如驚禽黃屋科萬 獨夜時潮落西川根渡口櫓聲急一江煙雨昏城 **庚午歳屛居零陵七月二十日以門掩候虫秋** 右 為韻賦五首

纖 初弦月不受薄雲揜近村應漸寒已有鴉數點 暑退涿亦收瀟湘淨如染時觀自跳魚衝破青斑浆織 火三百事三三 家山在何許渺渺彭蠡東人來數月程衣敞補道中 育青燈花似墜釵頭虫兒饑女沉綿歲晚書未通 非金石堅與世相邂逅胡為聞鐘鳴更歷路傍堠 人生幾聪明日夜隙勘驟纔經花信風又過麥秋候吾 右二 右三 浮溪文料 四



桐葉無聲下井欄千里江山漁笛晚十年燈火客憩寒

男兒幾許功名事華髮催人不少寬

火:百東三季 會須滿意開懷抱到眼廬山不世情 秋著江湖去鳥明厚禄故人無一字長年三老伴餘生 妙語付以爲然欄日邊人去鴈行斷江上秋高楓葉寒 向侯拄笏意千里肯為俗弹頭上冠何時盛之青瑣題 風埽陽侯雪陣平雨惟摩詰畫圖成氣在浦淑重林盡 向來叔度儻公是一見使我窮愁寬 過臨平 晚餐吳城山 浮溪文弊


睡起 事心長折歸塗影自雙依然蒲柳地人老故先降 闊鳥雙下山寒人獨歸曉來何似雨春水半巖扉 シグレル こう 別九霄路風煙長滿衣已成身老大無復世輕肥天 /京生岸鈎簾坐小窓麥風能起挖梅雨不鳴江往 書寧川 右二 右 餡休坐在指得佐名州雖遭瀧吏咄韓 川驛壁 怪十五 次是四東大学可一 星河無語下城頭 當時踏月此長學鬢似河堤柳色青今日重來堤樹老 微凉初破候蟲秋露草螢光已不流搔首與誰論往事 會將新濯滄浪足踏遍干嚴萬壑秋 替華髮戴寒星 溪神識柳侯盡日野田行耀椏有時雲嬌聽鉤輈 龜山上方 宿鄰侯鎮 浮溪文料 3

南京菜有鮭風煙欺短髮雲水信殘骸竟作何鄉老虚 實霜清磬石詣僧孟收柏子熊徑埽松致左官書無為 寒在蒼洲向晚住魚龍宵聽唄猿鳥畫窺癬月滿嬪珠 朱欄出城均雪浪埋乾坤迷枉治霧雨泄陰崖丹葉經 慚素尚乖江湖今在眼歸合辨青鞋 度險逢越處憑誰寫壮懷連覺棲絕壁孤塔表長淮地 本吳楓接山今禹續皆潮聲從殷寺竹影自翻堦木杪 醉別季高侍郎 11 11 卷十五

歸來却共燈花語騎省看成滿鏡霜 晨起翛然曳杖行一 燕子年年入戸飛向人 看得栽花結子成 くこう ここう **疇昔追隨翰墨場功名今日愧劉郎英姿合上凌煙閣** 一語曾遭個月堂雙樣又来清夜去 汝將雞又 漫與 歸 一簾疎雨作秋清老來歲月能多少 浮溪文粹 無是亦 無非來春强健還相見 樽聊發少年狂

金少正匠と言 書員圖字土蝕如旋蟲織以駭鷄珍妙極便之工請言 馬窺天輕邊烽斷日畿百年還海地回首復成非 睡起無一事怡然眄庭柯綠陰微缺處最得南颸多 我有辟邪鏡得之咸陽宮其陰為天池一母將九龍旁 汾水遊仍遠瑶池宴未歸航遷新廟主矢及近臣衣塞 北寬 古鏡行 已酉亂後寄常州使君姪 卷十五

豈世寶同揮淡两無言掩鏡聲囊中 要放晚晴升屋梁 修郎過千夕陰合蝴蝶滿庭春草長呼兒更捲簾數尺 羞澁如頑飼森然髮上指凜若臨霜鋒我還撫客手此 倚恐客難稱容絕窮匣半啓四室來悲風日車當畫留 此器太古非人功客聞重數息意欲窺靈蹤高臺不辭 照遠近十里秋毫空豈不鑒脂澤所貴肝膽通問誰為 てこうと ここう 蔡天任韻 浮溪北岸



**強随波去點點亂寒星** 月下潮生紅蓼汀殘霞 亭夜來秋氣入銀屏梧桐雨還恨不同聽 人都飲盡四山青柳梢風急堕流 別語記丁寧如今能間隔幾

こう ここ・・・・・

学家文学

金岁正后全書 卷十五

欽定四庫全書 浮溪文粹附録 宋故顯謨閣學士左大中大夫新安郡開國侯食 邑一千五百戸食實封一百戸贈端明殿學士 汪公墓誌銘 左朝奉郎充敦文閣待制提舉江州太平與 國官孫觀撰

少是四車人子

建炎紹與間大盗據中原羣惡嘯亡命相聚為寇於是

浮溪文粹

|殘拯溺界凶於戎馬蹀血之餘以建中興之烈當是時 環四海為盗區矣天子慨然仗一剱出入兵間禁暴除 赤心明白洞達不出戶窺牖而天威咫尺坐照萬里學 學士一時記令往往多出公手凡上所以指授諸將感 顯誤閣學士左大中大夫新安汪公為中書舍人翰林 士大夫傳誦以比陸宣公居無幾何權臣樹黨除不附 厲戰士 訓飭在位哀閔元元之意具載點命之文開示 已公亦抵罪斥居永州積十二年更四赦不得還問遇

É

詩源字彦章姓汪氏饒州德與縣人自祖震太常丞贈 越國夫人陳國夫人皆陳氏公自童幼已卓越有大志 銘余與公将四十年知公為審乃序而誌之系以銘公 精深與柳儀曹相望於數百載後文章格力與之相上 以界古人而自肆於山水年益髙文益奇詩益工華妙 勝日幅中葛優登西山循鈷鉧潭入愚溪並湘流沉文 光禄卿祖宗顏尚書都官員外郎此下有既贈少傅此 下何其盛也公既没諸孤馥丧歸舜且致公治命屬余

欠記到車台馬 一

洋溪文粹

詩羣臣和進喜事者集録為一大卷公適見之擬和一 霍公端友屬公表謝授紙筆立就如素習之一坐嘆驚 中崇寧二年進士七科瓊林錫宴酒半上方賜氷狀元 學舉子業既成得春秋左氏西漢書讀而好之銳意欲 事司幹當公事代還至京師會徽宗親製君臣慶會問 除授從事郎荆南府掌書記不赴改江南西路提舉學 調婺州觀察推官就除宣州州學教授丁少傅公憂服 與之並年南冠徒步游太學有司第其文屢出諸生上

|箋疏傳注之書兵家族譜方言地志星經歷法佛老之 |得提點江州太平觀寓家晉陵凡八年終黼之世不用 累轉朝奉郎公博學強記自六經百家太史之籍先儒 一當國縣公通判宣州州將俗吏公益不樂上書請官祠 章屬詞用韻句法清新出衆作之右即日傳布諸公喜 ていりき さい 政和四年也故相王黼項與公為太學同舎不相中比 之丧免丧除秘書省校書郎還著作佐郎符實郎是歲 而稱之除九域圖志所編修官改宣教郎遭陳國夫人 学奚文率

**請舍上謁既去公曰騷人墨客撚鬚琢句以自鳴其不** 託諭馳騁古今貫串經傳該備求體蓋數十萬言自成 從之将多得所未見者凡伏臘衣食所須盡以供筆劄 山陰賀鑄方回知名士也亦寓晉陵聚書萬餘卷公日 聚說與夫萬里海外蠻夷異域荒恠之序録靡不記覽 而録藏之其辭章明於道德達於世務指事析理引物 家公在江西徐俯師川洪炎洪弱有能詩聲自負無 一日俯見公詩於僧壁惜曰此我輩人也率二法

省試潭州進士何烈烈對稱臣臺疏論列非所宜言罷 請郎召為中書舎人賜三品服大駕狩維揚韶中書後 暴耀一世人知其名家有其書而詩律高妙與寄深遠 講石室納書典冊施之朝廷樂歌薦之郊廟鴻文碩學 外郎旋改禮部進太常少卿起居舎人今上踐祚轉朝 亦非近世詩人之所能及淵聖登極召為尚書屯田員 平耳烏足尚也至是數年卒以大手筆稱天下金華勸 7). Im. (1) (1). 公為集英殿修撰提舉江州太平觀明年復召為中 学美文学

答記上顧輔臣稱公得代言之體久之高麗人謝表至 事後十年卒如公策又言宣和諸臣交通貴偉一時誤 務常論諸大將擁重兵馬位崇秩子女王帛已極富貴 公自登侍從屬時多故感懷思遇儿所建請皆當世要 兼結黃麻似六經十字以賜縉紳禁之累轉朝議大夫 舎人擢給事中兵部侍郎無侍講直學士院公草高麗 上復稱公真拜翰林學士以所御白團扇親書紫語仍 之欲而根據盤互浸成外重之勢陳所以待諸将者二

聖心上於納翌日輔臣請擇所付上日無以易藻矣尋 未乾而建炎思有又當甄復盍依祖宗法至中大夫而 恩官有至銀青光禄大夫者臺諫極論方就鐫機韶墨 副上丞相自唐至本朝亦以宰相監總國之重事願留 建炎之元並無日思可謂闕典古者有國必有史史必 止論繳數人國論以為允又言太上皇元符以來至上 有官漢法太史公位在丞相上天下計書先上太史公

灰江白重江方 一

除龍圖閣直學士知湖州領日歷如故蒐攬闕文祭稽

浮溪文幹

**集更涉歲月稍見功緒書未成而中止積久散逸後人** |發十二三移知撫州嚴餘罷為提舉江州太平觀會翰 聚論遠至閩蜀數十里外近在寓公寄客之家或具公 員賜史館修撰餐錢辭不受書成凡八百冊上之上遣 物者在方冊非小補也於是有古復命公許辟官屬二 益難措手矣今方就間可降記令依舊暴集俾三朝文 |林侍讀學士范冲疏言日歷者國之大典比詔汪某纂 移或通私書旁搜博来遠近畢至分設科條以類詮次

御叱叛臣李希烈而死廟食吳與距行殿不能百里官 使賜茶樂進官二等加中大夫除顯誤閣學士知微州 屈帝尊臨見雙廟旌巡遠異代之忠以風厲天下顏真 公當為湖州刺史公建言昔章聖皇帝幸毫次睢陽親 公前後典六州先惠愛重名教有古循吏之迹唐顏魯

蒙褒典以增忠臣義士之氣詔從之賜號忠烈詔下公

大治祠屋書榜指之郡有籍録朱酚寫戸數十種丹添

万人で、日、ヨ、人に、京 一

之光可鑑察吏請為州治樓觀之節公曰吾葺曾公祠

浮溪文粹

知宣州関月改鎮江府鎮江自經建炎之亂歲輸上 大中大夫十一年知泉州殿前司大校蒐選禁軍之仇 非常留不遣馳奏驛聞大校怒以語侵公免符下乃移 健者移州具資糧遣送公曰州並海宿兵數百所以備 令拜賜矣又斥公帑之贏續之落成為一方壯觀轉左 可用也輪與一新州人大悅微州學舎敞小方議改築 公報曰比葺郡學費無所從出而餉金適至巳付諸生 公曾為文記鎮江府學之成州將程邁以白金致飽謝

金りした

宜開發老守重得罪不敢解會言者議公而罷論奏不 盡局鑰而去軍食不繼官吏憂寫不知所出而公適至 5/4. Ja ... 1 115/15 官左大中大夫爵新安郡開國侯食邑一千五百户實 於永州寫舎實二十四年六月癸未也享年七十六積 已落職永州居住更七八年感風痺乞致仕不許竟卒 不予之食羣點饑餓無聊雖錮南山猶有隊也軸以便 命破鍋給之遺書使者曰官軍張順待哺米在庫中而 米率不如數轉運使按視計倉栗之在存者尚負數萬 浮溪文草

病猶不去手大端梁師成用事小人朋附目為隱相武 嬌嬌然不侵為然諾者也不喜殖財利榮貴三十年無 殿學士公性樂易不事藩飾以峙聲名至居官任職則 年微宗實録成書室輔奏言用公所著為多詔贈端明 封一百户没後二年記復顯謨閣學士官其二子又一 |公致師成意曰聞名久矣幸不鄙過我禁從可拱而俟 人吳可者師成許以能詩至出入队内公罷符實可過 屋廬以居有田陽羨亦不足以卒歲而嗜書學古老且 附錄

泉閣婆國王附送龍脳數百两為公壽公却之或曰異 國之王因船商致方物修故事不可却也公飭送公帑 待罪幸蒙恩貸今豈可復受賞邪三辭卒不拜海舶次 劾詔勿問居歳餘户部被古降本錢復羅數萬斛歲適 米六萬餘斛公視六縣民力所堪鐫三之一而上書自 往何故公曰若使我與可輩為伍邪守湖日朝廷和雜 大稔物估相當如數而辨例進一官公曰吾當以減雜 也公謝不往客曰吾曹望隱相之門如在天上召而不

Charles Listen

浮溪文粹

金グレルノニー |孰與公多公之文有浮溪集六十卷行於世裔夷謀夏 於圖書之府聖主親覽追録故侯復還舊物得喪相除 如療水之歸壑而高文大冊垂世傳後與古作者並列 以死雖然朝愠暮喜乍賢乍佞初若一閧然曾未轉盼 午而言者指公為黼黨點永州累赦不宥卒厄於窮裔 公在太學與王黼有纖芥後黼入相嫌恨不除竟坐廢 鉄不取公於辭受類如此亦以故遂多齟齬於世始 一卷青唐録三卷古今雅俗字四十四篇公尤工大

小人王四事之子言 一 莊霆莊霈餘尚幼新安汪氏之徙都陽蓋已久矣自曾 舉嚴舉學舉賢舉女適左奉議郎嚴康朝進士孫廷實 主管學事曰恪右承事郎曰憺曰懔曰悟並右承務郎 氏亦前卒葬於常州宜與縣陽蔡後搗二十五年十二 小篆得李斯陽水用筆意元配淑人趙氏今配淑人莊 曰悼未仕女適右迪功郎莊珪孫男女十三人男曰文 曰恬右從事郎曰悟右宣教郎新差知婺州金華縣丞 月乙酉諸派奉公之丧合葬於二淑人之墓子七人男 浮溪文幹

於二代儒先首酋光明碩大偉數汪公德配先民學窺 陳秀公生於鎮江後建鎮江節築大第居馬實秀公始 |木下而公販元豐已未少傅公為泉之晉江丞而公生 時德與田園悉推予其兄以郊祀之恩任兄之子悅命 祖至公四世皆以儒學中進士第而公以文章大顯於 |赫赫我宋崇雅右文藩節萬物如歲之春治具炳然監 生之處山川之靈鐘為人英古今所傳不可誣也銘曰 後六十年公刺泉入境恍然悲喜太息曰城郭是矣昔

萬世準 流傳海內公有遺書銘公於石石磨可磷公名不磨為 生趨死一軌百錬之英有化無死巍巍昂昂命世之儒 州之氓途該而思誰私黨讎乃證乃逐投界荒裔一斥 出使入侍今之名臣古之循吏風流儒雅慈惠之師六 席代言西掖視草北扉海發大號雷動風馳持橐剖符 聖域文館皇墳芸省館書螭坳珥筆論經石渠坐五十 不復斗野之南光氣屬天埋藏不沒至實在馬擾擾萬

天二月三 三十

浮溪文章

をおりしん とこを 汪藻字彦章饒州德與人幼穎異入太學中進士第調 宋史文苑傳

篇泉莫能及時胡伸亦以文名人為之語曰江左二寶 當公事微宗親製君臣慶會問詩羣臣皆廣進惟藻和 婺州觀察推官改宣州教授稍遷江西提舉學事司幹

胡伸汪藻尋除九域圖志所編修官再遷著作佐郎時

相王黼與藻同舎素不咸出通判宣州提點江州太平

觀投間凡八年終黼之世不得用欽宗即位召為屯田

十年卒如其策又言崇觀以來皆結權倖奴事間官與 次是四年三十二 將擁重兵沒成外重之勢且陳所以待將的者三事後 字以賜搢紳艷之屬時多事記令類出其手普論諸大 王帝以所御白團扇親書紫點仍兼館黄麻似六經十 免為集英殿修撰提舉太平觀明年復召為中書舎人 兼直學士院握給事中選兵部侍郎兼侍講拜翰林學 舎人時次揚州藻多論奏宰相黃潜善惡之遂假他事 員外郎再選太常少卿起居舎人萬宗踐作召試中書 沿溪文粹

烈又言古者有國必有史故書榻前議論之辭則有時 來世乞即臣所領州許臣訪尋故家文書纂集元行序 歷修而成之謂之實録今踰二十年無復日歷何以示 州以顏真卿盡忠唐室曾守是邦乞表章之詔賜廟忠 依國初法止中大夫紹與二年除龍圖閣直學士知湖 銀青光禄大夫者近稍鐫褫而遷延恩省又當甄復盍 開邊誤國得職名自觀文殿大學士而下直私閣官至 記録柱下見聞之實則有起居注類而次之謂之日

13

遂段秩停官起知無州御史張致遠又論之予祠六年 言不必別設外局乃以郡人顏經投極想其數程軍食 **秋有差藻升顯誤閣學士遣使賜茶藥尋知徽州逾年 凡六百六十五卷藻再進官其屬鮑延祖孟處義咸增** 屬編類八年上所修書自元符庚辰至宣和し己詔古 遂散逸宜令就閒復卒前業詔賜史館修撰餐錢聽辟 修撰范冲言日歷國之大典比韶藻纂脩事復中止恐 展以來詔古為日歷之備制可史館既開修撰恭崇禮

火三日年三十三

浮溪文料

通斯二十年無屋廬以居博極厚書老不釋卷九喜讀 録所取下蓋七八深有力於斯文韶贈端明殿學士藻 宗實録成者右僕射湯思退言藻營纂集部青比修實 敖不宥二十四年卒秦檜死復職官二子二十八年 徴 徒宣州言者論其嘗為蔡京王黼之客奪職居永州累 傳誦子七人恬恪憺怲懔憘愇 春秋左氏傳及西漢書工儷語多著述所為制詞人多 浮溪文粹附録